

M113Y: St. Trudperter Hohelied (A)

10v,18 Er wart gesehin in der erde geborner . wasenter . lerenter
 10v,19 er wart gesehin in der helle . gewaltiger . starker
 10v,20 segehafter . er ledegote alle die . die an sinen namen
 10v,21 geluopten . ddc du crist pist . du pist gesehin i-
 10v,22 himilriche . ze der zeszwen dines ewigin uatir .

11r,1 warer got unde warer menniske . in der suoza des heiligen
 11r,2 geistis . da swabit din name in oles wis . unde fvoret
 11r,3 uns unde heilet uns . unde luithet uns . ddc selbe . ole ddc
 11r,4 azzet die starchen unde die gesundin . iz salbit die waneheilin
 11r,5 unde die siechin . ez intluithet die plindin . die
 11r,6 da ligent in deme scavewe des ewigin todis .
 11r,7 Vvan vns din genade also hat getan . durc ddc minnet
 11r,8 dich diue iuncrownen . nith die altin die an
 11r,9 dich gerten ddc du in gebist uil sune unde uil tohtere .
 11r,10 unde uil uehes unde ackere . die zoch eua sunder den
 11r,11 iuncrownen . die dir din muoter zovch . die an dine gnade
 11r,12 gerten . ddc du in reiniz lebin gebist . unde uil tugende .
 11r,13 unde dine uollen minne . die zoch dir din muotir . ze
 11r,14 gemahelen unde ze spiln . unde ze liebin frundinnin .
 11r,15 Waz lerte si si ddc uernemmet . si lerte si die rehtin gelvobe .
 11r,16 unde die reinistin chusse . unde die tuginde
 11r,17 der deumuotei unde uirsmahede . aller der welte . unde
 11r,18 die kintlichen forhte . si lerte si des uesten gedingin .
 11r,19 underschidunge unde unrvmlichv werch . gehorsame
 11r,20 statigin werch . si lerte si heilige minne unde
 11r,21 reinen gedanke . unde ddc luthere gewizede . unde
 11r,22 die weide der inren sinne . vnde wolwillichkeit vnde

11v,1 unde lancmuovte . Diz lerte si din muoter . aber diu
 11v,2 watost si . diu gebe in ddc gewate . der unsuldicheit . da
 11v,3 mitte siv vollekomen ze deme gesidele dines cheiserlikin
 11v,4 stuoles . diu lertost si ovch etewaz . ddc si hine wurfin den
 11v,5 lip . an ddc cruce dinir martyre . alse agna unde cecilia . un-
 11v,6 lucia un- agatha . unde andere uil manege . herro diu hast
 11v,7 ovch novch minnarinne . die dir uil willeclike behuotent
 11v,8 die reine ir magittomes . odir der langin chuske . unde
 11v,9 uil willecliche uirsmahet habent die rihtuome allir

- 11v,10 dir welte . unde doch ir lip giworfint habint an den langin
 11v,11 striit . unde an die empzigin arbeite geistliches lebennes
 11v,12 durc dine suozen . minne . cecilia diu hete schiere
 11v,13 stritin . unde agata . siu sluogin die wuterlke . aber
 11v,14 dise die beitent din' wunne div liepestez liep . si losest
 11v,15 mit deme seuzzen tode . den din heiligu minne suoze
 11v,16 hat getan . allen dinen iunchvrowwen .
 11v,17 Nu sprechin alle alte unde iunge . ziuch mich nach
 11v,18 dir so luofin wir in den smacke . dines geselbes . du
 11v,19 crist pist . der da uollecliche gesalbet ist . uon deme heiligin
 11v,20 geiste . wan du pist ovch selbe . ddc geselbe . unde gvoter
 11v,21 smak . zuo deme wir ilin suln nu ne muigin wir ane dine
 11v,22 helfe . nu ziuch uns selbin . wande wir sin ein girde des
- 12r,1 fleiskes . unde ein girde der ovgin . unde ein girde der welte .
 12r,2 so du uins da uz geziuhest so lovfen wir als ez kit . "cucurri
 12r,3 cum delatasti cor meum" Wer was diu erste diu
 12r,4 ie nach dir gezovgin wart . daz was diu magit MaRia
 12r,5 din heiligu muotir . diu geinc nach dir . nith uor dir
 12r,6 alse eua diu wolte . uor gen . unde die da wellent heimuote
 12r,7 habin . da du gast ware . unde da wellent riche sin . da du
 12r,8 arm ware . unde da wellent wirtschaf haben da dich hungerote .
 12r,9 unde da wellent ere habin . da du uirsmahit
 12r,10 ware . unde da wellent gezertit werdin . da man dich aller frovvide
 12r,11 zerslovc . mit risern . unde wellint wuinne unde mandunge
 12r,12 habin . da du ellende ware . die strebint fur dich siv in
 12r,13 gient dir nith nach . sundir der sin crvce niemit unde
 12r,14 dir nach geit . den ziuhest u unz du in gewinnist . heilig
 12r,15 leibin so leitist du danne . mendente unde
 12r,16 froliche . als ez her nach kit . introduxit me rex . ddc kit
 12r,17 du ziuhest die uncrefigin unde die tugintlosen . du
 12r,18 leitist die tugenthaften . unde die willigen .
 12r,19 der kunig leite mich in sine gamede . gesach in got
 12r,20 den er leitit . nu war leitit er in\&con er leitit in . unde
 12r,21 zeuohet uons durc den wec der ungewizenen . unde leitit
 12r,22 uns in den hof der heiligen geluobe . er zeiuheit uins
- 12v,1 den wec der riwe . in daz hus des heiligin gedingin . er leitit
 12v,2 uns uon der kintlikin vorhte . in sine heiligen minne . er
 12v,3 leitit uns lipliker arbeite . an die restin der inren besvowede
 12v,4 ddc wir kurzlike sagen . er leitit uns uon allen akustin .
 12v,5 an die heiligen tuginde . als ez kit de uirtute in uirtutem .
 12v,6 unt z alliriungist in uns . unsir sele ist sin gadem . unde
 12v,7 sin leibeste himel . da erkennen wir allirerist sine gvote .
 12v,8 da umbehalsit in diu magit . ddc ist unsir uirnustlich sele .
 12v,9 da erkennen wir den unspracliken namen den iohannes
 12v,10 sant der sibinden cristinheite . ergrabin "an wizzen steinlinin .
 12v,11 den in mach nieman ginemmin . wan der inphahet ."

- 12v,12 da uirsten wir des tovgenen wistvomes . uon deme unser
 12v,13 sele zerfliuzzet . da wirt si allein mit gvete . dcc ist diu
 12v,14 heilige gvote . mit unseme . willin . dcc ist der hoheste
 12v,15 wistvm mit unserre uirnu-fte . dcc ist der forhtlike gewalt .
 12v,16 mit unserre gehukte . disiu mandunge ist diu
 12v,17 hoheste . si fluihet allir slate ser . unde allir slate akuste
 12v,18 si fluihet iovch gopte arbeite . uenien unde weinen .
 12v,19 iovch selb dcc gebet . si sol mit stille uirstandin werdin
 12v,20 in der suozen bewegede libis unde sele .
 12v,21 Uon diu so sprikit disiu brut . "ich frowwe mich unde
 12v,22 mende mich . in dir unde behuginde dinir bruste
- 13r,1 unde dines spunnes . dcc bezzir ist danne irbarmede un-
 13r,2 din genade danne der chanege win . der alten e diu uns
 13r,3 durc din gebot gigebin wart ."
 13r,4 die rehtin die minnint got . wande also reht so diu pist . also
 13r,5 uil minnest u in . also uil so diu in minnest alse reht
 13r,6 pist u . wande ein chrumbiz unde ein rehtiz ne fuogent
 13r,7 sich niemmir . uon diu so minnen got . so si wirt reht . unde
 13r,8 anderes niht . abir dir ne wart niehein sele noch inhein
 13r,9 lip so rehte gefuogit so din heiligi muotir . unsir trutfrowwe .
 13r,10 uon diu dcc bezste reht unde bewartosten minne .
 13r,11 der was si diu allireriste diu iz geleret . hat . wande
 13r,12 si uns giwis hat getan . swer diemuote ist dcc der hat alle
 13r,13 sine noth ubirwundin .
 13r,14 Von diu ist uon ir gesprochin . "ich bin sale alse die herberge
 13r,15 zedar ." dcc kit in bin even tohtir gelich an mineme
 13r,16 libe . ih pin watelic alse dcc gezelt salomonis . dcc kit min inren
 13r,17 sinne unde min muot . unde min herze . dcc ist ein gezelt
 13r,18 des oberosten kuninges . Salmon pacificus der
 13r,19 rvowet under sineme gezelte . da stuont inne sin kuneclic
 13r,20 pette . dar warin gibrisit seiczec kuneginne . dar in kom
 13r,21 kebes nith . dcc kuneclich gezeltdcc was der lip miner
 13r,22 trutfrowwun si was gezelt dannan der wissage Sprac
- 13v,1 "In sole posuit tabernaculum suum ." dcc pette dcc was ir heiligi
 13v,2 sele . da rvowet der ware kunig . da minnet er die sehzich
 13v,3 kuninginne . dcc waren die tuginde die er an ir sele minnete .
 13v,4 da hiz er rehte pacificus . wande er fride himels unde erde un-
 13v,5 engele unde menniskin . der wart gischaffin an den pette . dcc
 13v,6 was miner truotfrowwen sele . unde ir lip was dcc gezelt . Ruowet
 13v,7 er noch einer\&con ia er swa er uindet die warun diemuot . unde
 13v,8 die durcnahtigin kusse . dcc kit diemuotigiu sele unde
 13v,9 kuskin lip .
 13v,10 Nu tuont des nith ware . dcc ich so sale si . ez tuot mir not
 13v,11 diu heizze sunne hat mir mine schovne benomin . daz kumet
 13v,12 diner diemuotigen sele rehte truotfrowwe . wande div
 13v,13 dich uil unwirdich tuhtest . unde uil sale . do zvo dir gefuogit

13v,14 wart der sunne allir der schone . dcc kit der kunig
 13v,15 himeles unde erde . ez mugin ovch wol alle sprekin die gotis
 13v,16 gismekit habent . unde siu doch erkennen die swerze
 13v,17 ir bluodin libis . uon diu stet her nach giscriviN .
 13v,18 Minir muotir kint fatin widir mich . dcc maht u sprekin
 13v,19 trutfrowwe . wan dinir muotir kint dcc kit
 13v,20 din kunne dcc uirtreip dich unde din heiligiz kint
 13v,21 in egypto sibintalp iar . si fatin widir dir . unde crvcigoten
 13v,22 in an dinen ovgin . iz mugin alle die sprekin die ir

14r,1 alte gewoneheite ane uehtent . unde die ubilin menniskin .
 14r,2 Och mag ez sin erstu cristenheit diu ze ierlem uirtribin
 14r,3 wart . durch daz ahtesaz .
 14r,4 nu sprekin siu sazton mich in ir winigartin minin
 14r,5 winigartin ne mohte ich nith behvotin . dcc mach
 14r,6 man uon euen sprekin . diu was in paradyse si ne wolte .
 14r,7 uon diu ne mahte si behuotin ir herze . ir sele ir man . uon
 14r,8 diu huop sich der schade allir bekorunge . Nu sprekin
 14r,9 wir zi minir trutfrown . diu gesezzet ist in den wigartin .
 14r,10 der heiligen cristinheit ze huote . swenne uns
 14r,11 bekorunge ane get . durc unsere sunde . ovch mach sie
 14r,12 uns antwurtin . ich bin giwisse ein helferine der armin .
 14r,13 abir ih in mahte minen wingarten nith behvotin . wande eue in wolte
 14r,14 den ersten behuotin . uon diu ellendir menniske . nie uirwidere
 14r,15 nieth dcc din unsuldigir crist leit . durc dich
 14r,16 unde uirnim mit sinne dcc dar nach stet .
 14r,17 Nu sage uns dich min sele minnet . wa ist diu weide
 14r,18 da diu dinu schaf ane weidist . des frage ich daz ich
 14r,19 niht irre gie . under den gezeltin dinir gesellin so si sprekint .
 14r,20 si sint abir dine uiende . disiu frage ist minir trutfrown .
 14r,21 in der benemedi allir saligin sele . nu wirt uon
 14r,22 gote ganwurtit . du hast unwizzente gefraget . do du

14v,1 mich zeickinnis pate in chana galilee . uon diu
 14v,2 entwurte ich dir . waz bestet dich miner goteheit . wan ze
 14v,3 uatirschepte waz bestet dich minir minnesheit . niht wan
 14v,4 ze suneschepte . waz bestet dich der heilige geist . ni winschepte\&con
 14v,5 din sun der wil rwowin in meridie an deme galgin
 14v,6 des crucis . ih bin muode sit ich geborn wart . lovffente
 14v,7 nach miner leibin gemahelin . ih ne mahte abir den
 14v,8 menniskin nie geuagain . unz an deme cruce . uon diu
 14v,9 gervowet ich e niht . e ih slafin wolte einin kurzin slacf .
 14v,10 da wurdin geweidit minu schaf . dje da sickerlike
 14v,11 clageten minin swerdin . da wurdin ovch geweidit
 14v,12 diu kitze minir gesellin . die sih frovnton minis todis .
 14v,13 nu sult ir wizzin . wa ih noch ruowe . dcc tvon ich in der diemuotigen
 14v,14 herzen . die durc minin willin twont als ich
 14v,15 durch ir willin tet . dcc in liplich ser niht ze harte ne wigit .

14v,16 also min uatir mit mir was in minir matyre . also
 14v,17 daz niemin sines gewaltis ne uerstuont also bin ih noch
 14v,18 bi mime liebin kinden . in ir bekorunge dcc si s niene
 14v,19 uirstent . Do ich rvowen gie do gap ih miner gemahelen .
 14v,20 einen gisellen . unde ein phant . ze der gewisheit .
 14v,21 nach mir zu komenne . daz was min fleizs unde
 14v,22 min heiligiz blvot .

15r,1 Ube du din selbir nien erkennest wip sonistiv . so
 15r,2 genc uz unde genc nach deme uuozspore des kortils .
 15r,3 unde weide dinu kitze . bi den herbergin der hirte .
 15r,4 diz was diu antwurte diu unsirre trutfrowwen gigebin
 15r,5 wart . da ze den brutlovftin . da unsir herre sprac . “waz
 15r,6 triffit daz ze mir odir ze dir .” iz wirt alle tage ze uns
 15r,7 gesprokin . obe wir uon uns selbin . habin wellen . die gebe die
 15r,8 uns got durc sine gnade git . ze den sprekit er “ganc uz dinime
 15r,9 inren sinne . in die uzzeren . unde weide dinu kitze
 15r,10 dcc kit dine getelose unt dine uirwitzede . an der weide
 15r,11 uindist u unrawe . wan diu weide ist selb dcc witze . uon
 15r,12 diu scheit offenlike uon mir . diu ne maht min brut sin .”
 15r,13 die abir dcc irkennent . dcc si niht inhabint wan uone
 15r,14 ime zuo den sprickit er uil minnecliche .
 15r,15 Ich habe dich gebinmazit fruntinne min . mineme
 15r,16 rehtin ingeside . unde den reitwaginen pharaonis . dcc
 15r,17 mach wol gesprokin sin von der liebun muotir . min
 15r,18 diu ware dcc rehteste ingeside . wan div hetest reinin lip
 15r,19 unde lutere sele . diu ware min gimahale . wan diu den
 15r,20 uatirlikin magittovm uon dineme geiste inphangin
 15r,21 hetest . diu ware min muotir wan dich der gewalth
 15r,22 des ewigin uater berehaft makete . uon diu leitit ich

15v,1 dich durch dcc rote mere . so dcc ich niehein unde besovfte . dcc
 15v,2 kit . diu kome in dise welt . dcc dich nie inhein sunde bewegete .
 15v,3 Ich habe novch manege lieben sele . die ich durc
 15v,4 die tvofe der heiligen rivwe . unde suozzen trahene . irloset
 15v,5 han uon der welteclichin burde . unde uon deme tieuilichime
 15v,6 dieneste . unde ioch uon allen ir missetaten . dcc si fri
 15v,7 unde edele durc geuarn sint . unde sint doch noch in der
 15v,8 wuste in der ellende . da si noch in arbeite in bekorunge si-t .
 15v,9 unz siv ich bringe in terram promissionis . daz kit daz
 15v,10 riche mines uatirs .
 15v,11 diniu huffele sint turtiltuben . dcc kit din antlute
 15v,12 ist gezeret mit deme heiligin geiste . so diu hast die einen
 15v,13 minne gecheret . ze deme ewigin lipe . die anderen
 15v,14 mit durnahte ze deme nehesten .
 15v,15 Din hals is gesmidezerde . der hals bist u frowwe . der
 15v,16 daz ezzen treget in den buc . unde die stimme dar uz .
 15v,17 daz kit diu pist der hals . der uns cristis fleisk unde

- 15v,18 sin bluot prahete . in den buc der cristinheit . diu tregest
 15v,19 och die stimme . dar uz . daz kit gebet der rivware .
 15v,20 unde die flehte der diemuotigen . unt ovch daz
 15v,21 lop der durnahtigin .
 15v,22 Uon diu sprekit din gemahele . welhe halsgezerde
- 16r,1 ich dir machin wil . wahe goltketenne mit fride gebrohten .
 16r,2 in wurmes wis . geblecmalet mit silbere der hals
 16r,3 bist u frowwe . diu daz hovbit dcc kit got . unde den buc . dcc ist
 16r,4 diu heilige cristinheit . zesamene gefuoget hat . er hat dir
 16r,5 des halsgoldes pegunnen . der erste rinch der ketinne . dcc
 16r,6 was abel unde alle partiarke . dcc die uon dir kuntendcc
 16r,7 sagintin die wissagin . dcc sahen die boten . dcc bewartin
 16r,8 die martyrale . dcc eracten die lerare . daz nah pildoten
 16r,9 diu heiligen wip . dise ringe hat geluotet zesameme der
 16r,10 heilige gjest . diz gelovbit alliche div cristinheit .
 16r,11 An deme iungesten tage . so solt v siv frowwe tragen
 16r,12 ze dineme cheserlicheme stvole . uor gote unde uor
 16r,13 sinen engelen .
 16r,14 Do der kunich saz uf sineme stule . do begunde min
 16r,15 salpwuirze . wol smacken . iemere unde iemere . dcc
 16r,16 kit do got fleisk unde bluot in mir nam . do saz er uf
 16r,17 sineme stuole . daz ist min sele . do begunde ime min diemuot
 16r,18 ie baz unde ie baz gelichen . do irkante ih waz
 16r,19 er mir hete getan . do rovch mir nardus daz was dcc lovp
 16r,20 mines herzen . daz er mir gab leibinthaften lip . uirnunstecliche
 16r,21 sele . willigen geist . daz ist allen menneskin
 16r,22 ze lobenne .
- 16v,1 nu ist mir min liep wordin ein gebundelin mirre- .
 16v,2 inziwesschin minen bruisten wonith er . Diz ist
 16v,3 minir frowwen eigen . swaz got tet in siner mennisheit
 16v,4 dcc samenot si . unde behilt ez . in ir herzin als ein gebundelin .
 16v,5 daz was sin chintheit . in der ime die engele
 16v,6 dienoten . unde dcc er symeonem intluhte . unde dcc er
 16v,7 apgot zirstorte in egypto . unde sin chanbelic iugint
 16v,8 do er betin fvor ze ierlm . unde manich zeikin da ze sinir
 16v,9 tovfe . unde nach sinir tovfe . diu behilt si in ir
 16v,10 herzin . want er abir den tot leit z alliriungist .
 16v,11 so was iz ir ein mirre . wonente inzwiskin ir brustin .
 16v,12 wande si sin swerdin niemmir ne uirgaz . dis suzzin
 16v,13 burde . die sammenen noch alle saligen . unde lazen
 16v,14 siv wonen inziwskin ir brustin . so mugin siv sprekin
 16v,15 mit der gotis muotir alse her nach stet .
 16v,16 Min trut ist mir wordin ein edele wintrube . uon
 16v,17 cypro . unde uon den wingartin engaddi . daz
 16v,18 wekche alle die mende mines inren menniskin .
 16v,19 daz ich daz iemmir in miner gehukte habe . daz

16v,20 er den tot durc minin willin leit . antwurte ih
 16v,21 ime mit trivwin . so wirt mir sin urstende ein
 16v,22 trube . daz ih mine sele gelabe . daz kit er offenote

17r,1 mir wer er ist . den min sele geminnet hat . diu bist
 17r,2 ein scim des ewigen wistuommes . diu bist ein libintir
 17r,3 brunne der heiligen uernunfte . diu bist ein bote
 17r,4 des ewigen ratis . diu bist ein chenphe des heiligen
 17r,5 sterke . diu bist ein ordenunge . des heiligen gewizedes .
 17r,6 diu bist spendare der heiligen gvote . diu bist ein
 17r,7 starker rehtare an deme iungisten tage . der gotis
 17r,8 forhte . an den wintrybin da labin sich ane die alle
 17r,9 die sine mennisheit . mit trvwen gesamnet habent .
 17r,10 daz kit . swer mit goete gemartyrit wirt . der irstet
 17r,11 mit ime . engaddi . daz kit heilbrunne . also hat diu
 17r,12 gotis urstende braht allen sundarin . uon diu smekket .
 17r,13 si mir als ein balsamum . z allen zitem in minime
 17r,14 herzen . allen den sinu werc wol lichen den wirt
 17r,15 zvo gesprokin .
 17r,16 Si nu schogne bist u min fruindinne . scone sint
 17r,17 dinu ovgin . wande siv sint alse einir tuben . mine menniskheit
 17r,18 die ne gesach nie nehain ovge so gvtliche ane .
 17r,19 so diu . wan du bist reine an dinen gedanchin . un-
 17r,20 reht an dinen werken . unde milte an dinen
 17r,21 wortin . unde chuske an dinen willen zuht ist
 17r,22 an dinir gehebede . unde uil luter ist din gewizzede .

17v,1 wan diu allez daz uirsmahet hast . daz dich gesweren
 17v,2 mach . dar schinit din einualtichheit .
 17v,3 Scone bist u min frvindin- . unde ernlich . du kist daz
 17v,4 ih scone si . alle mine scone die habe ih uon dir wande
 17v,5 din scone diu hat mich irlutet . diu zorhstele diner gotteheit .
 17v,6 diu gervohte bluot unde fleisk uon mir nemin .
 17v,7 uon diu bist u scone uor allen den kindin der menniskheit .
 17v,8 wan din geburt . diu was magitliche uon
 17v,9 mir . din lebin daz was goetlich uon dir . din urstende
 17v,10 was herlich . uon diu ist din wonunge wunderlich .
 17v,11 unde svozlich allen dinen minnaeren .
 17v,12 Unser bette ddc ist gebluomet abir in unserre chemenaten
 17v,13 sint die rigele cedirbommin . unde sint
 17v,14 die tauele zepressin . Daz kit die bluomin ne habe-t
 17v,15 nieht uil nutzes . an in . newene den gedingen des nach
 17v,16 genten wovchers . uon diu so sprich ich . daz unser bette
 17v,17 wole gebluomet si . want ich bin selb der bluome da
 17v,18 dine inneren sinne ane gewunnesamet werdent .
 17v,19 dir smecket wole der liliebluome . miner naturliken
 17v,20 chuske . dir lichtet ovch der rosebluome miner getruliche
 17v,21 martere . dir smecket wole der winbluot mines

- 17v,22 adellichen rehtes . dir smecket wole der olebluot
- 18r,1 miner unermezzen erbarmede . uone diu smeckent
 18r,2 ouch mir dine blovmin . diu lilie diner kuisse . diu
 18r,3 rose diner chestigunge . der winbluot diner riviwe
 18r,4 der olebluot . daz diu uirsmahet hast alle dise welt .
 18r,5 mit disen bluomin sol umbe steckit sin . daz pette .
 18r,6 daz kit der muot da got ane rvoweth . want der hat
 18r,7 uzerhalp fersperret aller slahte bosheit . unde alle
 18r,8 achust mit zedrinien rigelin . deme werdint sinui
 18r,9 getauele . zepressin daz kit er hat in ime den gedingen
 18r,10 des ewigen libes . dar ane kapfet er alle zit .
 18r,11 Want aber unsir sametwesen nicht ne maht sin .
 18r,12 so heizet iz mere ein bluome danne ein wovcher .
 18r,13 Ich bin ein blovme der telre . daz kit ih bin ein gizerde
 18r,14 der diemuotigen herzen . want swer sich geluobet der
 18r,15 useren scone . durch minen willen . den entluite ih
 18r,16 mit einir sumerliker gizerde innanwtus . also
 18r,17 der scone anger bezunet ist . unde mit edelen bluomen
 18r,18 gezeret ist .
 18r,19 Also diu lilie ist under den dornen . also bist u
 18r,20 min friundinne undir anderen tohteren . daz
 18r,21 kit mine erweltin sele sint in dirre welte . also
 18r,22 lilie under dornen . want aber si si nicht uirtruchent
- 18v,1 ne muogin novch ne girrin . si ne behaben ir suozin smacht .
 18v,2 daz kit ir liument . unde die wize ir unsuldicheit .
 18v,3 ane minen ougin . min wine der ist undir den anderen
 18v,4 mennisen als ein affoltere . under den anderen waltholzin .
 18v,5 Div affoltere diu ist scone an ir loube . si ist zierde
 18v,6 an ir bluode . si ist edile an ir scatewe . an ir worchere
 18v,7 in wurgit sich niemmin . also ist min gemahale .
 18v,8 daz kit min crist . daz loup bezeichenot die ze der
 18v,9 geloube komin sint . daz siv an ime stent . wande
 18v,10 er ist der boum uon deme da gisprokin ist . “quod fructum
 18v,11 suum dabit in tempore suo .” abir sin bluot daz
 18v,12 sint die geistlichen . den der rife novch hartir wirrit .
 18v,13 denne den weltlichen . wan daz in ein sunde ist . daz ist ein
 18v,14 meintat . daz kit ez ist ungewarlicher . der sich an dcc
 18v,15 ovge stozit . danne den fuoz . nu sprichit diu liebe
 18v,16 gemahale . daz er gilich si der affolteren mere . danne
 18v,17 einime birbovmme . da mit wir sin menniskheit .
 18v,18 bezeinchenet . wan die siechin die labint
 18v,19 sich an den enppheln . daz siv sich niet in wurgent .
 18v,20 also labit uns diu suozze menniskheit . unde div
 18v,21 gemartyrote menniskheit mines gemahelen .
 18v,22 swer si einualtecliche unde guotliche betrachtet

19r,1 der uindit dar ane trinchin unde ezzen . also an deme aphele
 19r,2 abir sin stam . ddc ist der . der da uone gone gephazet ist . secus
 19r,3 decursus aquarum . uon deme sin alle die gephazet
 19r,4 die der heilige geist geuihtet hat . so daz siv besezzen
 19r,5 hant den ewegin lip . daz er kit diu uferunst . daz
 19r,6 sint die edelin phlazare . den ir trahene dikke uf
 19r,7 rinnint . uon ir herzen . ze berge . zvo ir ougin . da mitte
 19r,8 siu gefuhtet unde gewullet werdint hine widere .
 19r,9 an den rehtin stam . siner goteheit . nu sehin ube
 19r,10 iemmin si . der die irkenne . die der ewige uater gephlanzet
 19r,11 habe . do wart ime geanwurtit . "swer des
 19r,12 gotis wort gerne horet . unde iz mit flize behuotit"
 19r,13 da bi sol man den irkennen . den got da gephlanzet
 19r,14 hat . unde in ouch uor besehin hat . ze deme ewigen libe .
 19r,15 Ich saz undir sineme scatwe des ich ie gerte . unde sines
 19r,16 suozen wuocheres nietet ich mich . ddc kit ih han
 19r,17 mich gesezzet . daz kit gemuozzegit . ze rovwenne
 19r,18 muodiu . unde mich ze lainnenne an den stam . siner
 19r,19 wisin menniskheit . unde uf ze wartenne . hungergiu .
 19r,20 an den edelen wuochir . siner goteheit . unde mich ellende
 19r,21 div ze chvolenne undir deme scatuwe des heiligin
 19r,22 geistis . gesach in got der mit girde undir disime

19v,1 boume rivwet . der mach ginesin . for den freislichen
 19v,2 bechorungen . da suln wir uns intabin unz er uns dannan
 19v,3 leitit als ez chit .
 19v,4 Mich leite der kunich in sinin winchellare . unde
 19v,5 hat geordenet in mir sine minne . daz chit er hat mich
 19v,6 brath ze der kunde des heiligin ewangelii . er hat mich
 19v,7 geleret daz ich in minne in alleme mineme herzen .
 19v,8 fon allir minir sele . unde uon allir minir chrefte . unde
 19v,9 minen nahesten als mich selbin . unde minin friunt
 19v,10 in ime . unde minen uigent durch in . Wir lernen
 19v,11 ovch da die sinniclichen minne . daz wir betrahten sinu
 19v,12 mennisklichen werch . wir lernen ovch die gewizzenliche
 19v,13 minne . daz wir uirsten sinu gotelichen
 19v,14 wundir . diu trite daz ist diu uirnunftlichu minne .
 19v,15 die ne mach nieman gelernen wan uon deme geiste .
 19v,16 die sinniclichen lerne . man uon der geloube der cristinheit .
 19v,17 die gewizzenliche uon der giscrifte dise
 19v,18 die ne mach niemen kunnen . newan uon goete .
 19v,19 Min geminnet' d' u-d'stecket mich mit pluomen . unde
 19v,20 umbe stekket mich mit epphelen . wan ich uon
 19v,21 siner minne sieche . Die bluomen die bezeichenent
 19v,22 die ersten tugende . uasten . wachen . uillate .

20r,1 ueien . gedult . in den bluomen so schefet sich der wochir .
 20r,2 der heiligen minne . weler ist daz . so wir den ubelen dar

20r,3 umbe minnent daz er unsir herren geschephede ist .
 20r,4 unde wir den gotin dar umbe minnen . daz er gotis
 20r,5 kint . ist unde wir unsiren lip dar umbe minnen . daz
 20r,6 er unsirre sele slach ist . unde unserre sele dar umbe
 20r,7 minnen . daz si gotis sal ist . unde wir got dar umbe minnen .
 20r,8 daz er govt ist . Diz ist der wochir da mite uns
 20r,9 got umbe leget . erbettit uns uf die bluomin . daz kit
 20r,10 uf unser arbeite . daz wirt uns ein gedinge . da uffe
 20r,11 raste wir . so lobin wir in . dar inne menden wir so
 20r,12 minnen wir in . so bademen wir so beginnen wir
 20r,13 unsich sennen . so siechin wir . so giwen wir nach deme
 20r,14 himilskin lichte . dar inne inslafin wir . daz geschihet
 20r,15 uor urdrutze dirre welte . in deme siechint
 20r,16 alle saligen sele . wande siv sterbint unde siechint in
 20r,17 den girden . unde lebint in den heiligen tuginden .
 20r,18 vnde in der bescovwede des ewigin libis . abir mit so siecher
 20r,19 sele . daz chit mit der ellenden sele . so
 20r,20 rvowet got unde intsvebit siu . daz kit er trostet siv als
 20r,21 ez kit .
 20r,22 Ein winstere ist undir mineme hovbete .

20v,1 sin zesewe umbe gefrifet mich . daz chit swenne ich
 20v,2 an sineme arme lige . daz ist dirre lip . so beschirmet
 20v,3 er mich unde huotet min . daz mich nieman wecke
 20v,4 novch irschrecke niehein unrehtin uorhte . novch
 20v,5 inhein unrehtv minne suenne ich inslafe . so wiset
 20v,6 er mine sele . in troumes wis . an die faizten weiden .
 20v,7 des heiligin geistis . unde mine inneren sinne . in
 20v,8 den schin des himilskin wistuomes . daz ist diu hoheste
 20v,9 wunne . die man in den ellenden gehabin mach .
 20v,10 wan diz abir daz uinstere unde daz ellende . lant ist .
 20v,11 so ist disiv wunne mere ein troum denne ein warheit
 20v,12 Ich besvere iuch tohtere ierusalem . bi dem raigen .
 20v,13 unde bi den hirzen . daz ir mine frvindinne nit erwekkent .
 20v,14 novch ne munteret unz si selbe welle .
 20v,15 Daz kit ir heilige sele ir da horet unde treffet in
 20v,16 die himiliskin ierusalem . ich besvere iuch bi den
 20v,17 tuginden iweres libes . unde bi dir raigin iwerre
 20v,18 sele . daz ir mine leibin nine wekkent mit weltlichen
 20v,19 meren . noch mit uppigen spellen . noch mit
 20v,20 inhein ungestuomes daz ir sinne getrubin muge .
 20v,21 unz si selbe welle . Diz ist diu stimme mines
 20v,22 gemi-nete- er ist mir so holt . daz niene mac uirtragen .

21r,1 daz mich iemin wirsere . odir wecke in siner minne .
 21r,2 Min . liep . der verth alliz in sprungen . durch
 21r,3 minen willen . an de- hohin bergen . unde er
 21r,4 ubirspringet alle bovhele . durch mine sele sprang er

21r,5 uone himele in die wambe der magede . uon der
 21r,6 wambe zi der crippe . uon der chrippe unz der tovffe .
 21r,7 uon der touffe an daz cruce . uon deme chruce
 21r,8 ze deme grabe . uon deme grabe zi der helle . uon der
 21r,9 helle ze der urstende . uon der urstende fvor er zi himile .
 21r,11 Min liep ist gilich deme hintchalbe . unde deme
 21r,12 rechcitze . diu wonent gerne in der hohe . un-
 21r,13 springent widir abint . also hat unsir herre getan .
 21r,14 an den abint dirre welte . disiu sibin insigle
 21r,15 daz waren sine sprung . er wonet gerne an den bergin .
 21r,16 daz er ist an den heiligen selen . die alle ir sahche
 21r,17 sunderent uon der unheiligen diete . daz sint
 21r,18 die hohistin berge . da wonet er allirgernist . wan
 21r,19 er iz getan hat mit dieumuote . uon diu so hat
 21r,20 er sich geebinmazzet den wenigen tieren nith
 21r,21 den michelen .
 21r,22 nu sich wa er stet hindir unsirre wende . un-

21v,1 unde wartet in . ze den linebergen . unde ze den
 21v,2 uensteren . swie er ovch si . in siner gotelichen magenchrefte .
 21v,3 er wartet iedoch her zuoze uns durch sine
 21v,4 genade . diu want bezeichenot unsir sunde . die uns
 21v,5 ie uon gone sunderent . diu uenster daz sint unsire
 21v,6 rivwe . durc die luoget got zuoz uns die liewen un-
 21v,7 die lineberge . daz ist daz luthere gebet . in deme
 21v,8 sihet got zuoz uns lainet unde stetekliche . wartet .
 21v,9 Min . liep . sprichet zuo mir . sus . stan uf friundinne
 21v,10 min . ile min tube . min scone . nu chum uvr .
 21v,11 friundinne min . wande diu ane mich geloubest
 21v,12 getrulichen . min tube . durc dine unschuldicheit .
 21v,13 min scone . durc dine tugende . stant
 21v,14 uf von deme suozen slafe . der contemplationis .
 21v,15 orationis . dilectionis . ihle din . un- chum vur
 21v,16 dur diene- dinen brvodere . daz ist diu heilige cristenheit .
 21v,17 die duuirwesin solt . uor des hiez er si slafen .
 21v,18 nu hiezest si uf stan . daz n ist nicht widirwartik
 21v,19 ainime andereme . wande etewenne . ist
 21v,20 zit ze betenne . etewenne ist zit ze rauwenne .
 21v,21 Diz mach gesprochin werdin uon minir trutfröwen .
 21v,22 stant uf gotis gemahale . stant uf cristis

22r,1 muoter . stant uf ein fruindinne des heiligen geistis .
 22r,2 stant uf unde chum uur da diu uior bosheit
 22r,3 geleigin bist . in deme schozen des ewigin zartes
 22r,4 geinc fure unde gib geleite den guoten . unde wege
 22r,5 den schuldigen . unde troste die trurigen . un-
 22r,6 widerlade die verhereten . unde die missetruwigen .
 22r,7 wan diu bist ein amme der chraftelosen

22r,8 unde ein uogit der ellendin . unde bist ein uestenunge
 22r,9 der geluobigen . unde ein gizerde der diemuotigen .
 22r,10 unde bist ein speigel . der chusken . du
 22r,11 bist ein friundinne der minnenten . du bist ein
 22r,12 ubirgulde der tuginthaftin . nu chum uvre
 22r,13 wan der wintir ist uvre . der regen ist fure . des
 22r,14 riebesnites zit ist hiere . die bluomin schinint
 22r,15 der schin des liehtin sunnin ist uf gegangen .
 22r,16 der turtiltuben stimme ist uirnomin der wingarthe
 22r,17 ist in bluote . der uichpoum hat uvre prahrt
 22r,18 sine biteren uigen .
 22r,19 Der kalte wintir der ungeluobe ist hine . der
 22r,20 regen minir rafsunje ist uvre . die rebe die
 22r,21 sol man snaitin . man sol dorne uon deme schuzlinge
 22r,22 sniden . bluomen schinent . daz chit aller

22v,1 allir slahte . wuocher . scehphet sich in den rainen herzin .
 22v,2 der haitere sunne daz kit diu srihphit . ist irrecket
 22v,3 wiſliche . unde uernunftliche . unde geluobliche .
 22v,4 unde suoſliche . der tuben stimme ist uirnomin .
 22v,5 daz kit diu chuske ist inphangen . niemin
 22v,6 schamet sich sinis magetuommes . novch siner umberhaft .
 22v,7 der fichbom hat fure braht sinen piteren wuocher .
 22v,8 daz wirt uirnomen uon den . die ze becherde
 22v,9 choment . unde si sich uon erste uobent in pitere-
 22v,10 ruiwe . daz bezeichenot die uigen . so chumet dar
 22v,11 nach diu suoze des ewigen libes . der nietent si sich
 22v,12 unde mastent sich . unde urouwe-t sich in deme suozen
 22v,13 gedingen . unde in den rainen thrahene daz sint
 22v,14 die suozen uigen unde die zitegen . der wingarte
 22v,15 ist in bluote . daz chit der liument . unde der gvote
 22v,16 stanch . der heiligen tugende . der ist gebreitit ub'al
 22v,17 under minen irweltin .
 22v,18 Stant uf min friundinne . min gemahale .
 22v,19 unde min tube . chum uvre diu da nistist
 22v,20 in den holren der stain . stant uf daz chit sundere
 22v,21 alle dine sache ubelen . min friundinne . bist u .

23r,1 min fruindine . dc in zaigist diu nieminir . newan
 23r,2 mit deme haze der achuste . an dir unde an
 23r,3 anderen . unde swaz widir mir ist . des in wirst iv
 23r,4 niemmir geselle . da bi solt u die friuntschaft chiesin .
 23r,5 wande nehain friunt ne machuirtragen . svaz
 23r,6 sineme friunde lastir ist . odir schade ist . uon diu
 23r,7 solt u minen anden haben . unde ware uone herzen
 23r,8 svaz widir mir si . Suost diu iz abir einualteclike
 23r,9 unde minneclich so bist u min tube genemmet .
 23r,10 diu genist hat in den steinwendin . diu

23r,11 alle dine ueste an mir aineme hast . diu suftest
 23r,12 an deme durren zwiege . unde an den wege ane
 23r,13 gemachide . unze diu mit arbeiten gebroutest dine
 23r,14 iungede . ddc sint dinu gytin werch
 23r,15 Din gemahale wande ich han dich mich eide
 23r,16 geuestinot . unde dir min erbe gigebin mit
 23r,17 wizzede . der wizzode solt u gedenchen . odir
 23r,18 diu uirlusest ez lihte . ih han dich mit mineme
 23r,19 bluote gewidemet . die wizzode daz sint
 23r,20 mine wundin . der ne solt u niemmir uirgezzen .
 23r,21 in dineme ellende han ich dir engeliche huote
 23r,22 geschaffen . uon diu genc uvre unde diemuote dich

23v,1 da ze den wundin an minen uuozen . so daz diu gedenchest
 23v,2 waz diu ubeles getan hast . unde waz diu gvtis
 23v,3 uirsumet hast . sich hi- ze der zecsuewen wundin
 23v,4 unde gedenchest wie diu minnen sulest . mine friunt
 23v,5 unde dine . da ze der winsteren wundin gedenche .
 23v,6 wie diu uirgebest dinen uigenden . in mine
 23v,7 siten da solt u dinen munt unde din herze z allen
 23v,8 ziten steckente sin . unde solt u gedenken aller der
 23v,9 die ich irlovset han . mit mineme bluote . lebentere
 23v,10 unde toter
 23v,11 Saige mir din antlute unde dine stimme scelle
 23v,12 in minen oren . wande din stimme ist suoFFE din
 23v,13 antlute ist scone . du solt mich schovchen . wan
 23v,14 ich suochte dich e . da du lege huselosiu an den
 23v,15 bette dines cuerdin . daz chit in den fleislichen girden .
 23v,16 da wiset ich din also ein gvtir uatir . ih besneit
 23v,17 dich mit der rivwe . ich salbet dich mit hen
 23v,18 heiligen gedingen . ich leite ubir dine wunde
 23v,19 diner arbeite . also ein phlaster . da mitte zoch ich dine
 23v,20 eiterlichen nezen uz dir . dar nach azte ich dich
 23v,21 mit den heiligen tugendin . do tranche ich dich
 23v,22 mit der heiligun gestungede . unde legete dich

24r,1 slafin an minen winsteren arm . da ruowest u nach
 24r,2 dinen arbeiten . in trovmmes wis . in der heiligen uernunfte .
 24r,3 nu stant uf unde chum uvre . zaige mir
 24r,4 din antulute . daz schol noch intluthet werdin
 24r,5 uon mineme wistuomme .
 24r,6 daz ist unsir antluthe . daz ist unsir sele . die got
 24r,7 ime selbin z aineme chinde unde z ainer gelichnusse
 24r,8 hat geschaffen . die sulen wir ime zaigen .
 24r,9 gvote gedenche gvtiu wort gvtiu werch . daz
 24r,10 chiut unsere gehorsame . unsere gedult unsere
 24r,11 diemuot . unde unsere geluobe . unsernen gedingen
 24r,12 unsere minne . tuom wir iz ane rovn . daz wir nieht

24r,13 mit unsern werchin . suochin newane in . so ist
 24r,14 unsir antluthe schone . noch an unsern worten
 24r,15 nieht wane sinen willen . so ist unsir stimme suoze
 24r,16 Vns habint die lutzelin uohen . unsern winegartin
 24r,17 geargerot . uile harte . er ist in bluode
 24r,18 ir getrivwen sele . tovt ware wa sich der schade hebe .
 24r,19 daz chit svenne der menniske gestrite . unde gesige
 24r,20 an deme tieuile . unde an den ubelen mennisken
 24r,21 dennoch ne uoltriuwe er niemmir sineme libe swie
 24r,22 alt er werde . odir suei gvot werde . wande die

24v,1 lutzelen uohen . daz sint die gedanche . die sich hebent
 24v,2 uone litheme gedinge . si uns doch uil harte
 24v,3 werserent . die sal man an deme anegenge uirtretin .
 24v,4 swer raine herze welle habin . der ne solt novch
 24v,5 sa des libes noturfe novch sine wenicheit nith ze harte
 24v,6 in sine gedanche nemin . aber weltliche gedancche .
 24v,7 die sulin wir miden also daz eitir .
 24v,8 Min . liep . ist mir holt unde ich ime . er weidot under
 24v,9 den lilien unz der tac uf ge . unde nahtschate
 24v,10 hine wiche . diu ist ein wizer bluome unde
 24v,11 hat beslozin in ime einin gelwen bluomen . goltvarwen .
 24v,12 er duinget sich des nahtes . daz den gelwen
 24v,13 niemin sihit . so aber der tach uf gat . so breitit er
 24v,14 sich . dirre bluome stet in den telren . nieht an den
 24v,15 bergen . er beezeichonot unser trutfrowen . ir wurze
 24v,16 was uon yesse . der stam was uon iudea . diu pletir
 24v,17 warin die patriarche unde die wisagin ire
 24v,18 heiligen uorderen . der oberoste bluome daz was
 24v,19 diu wize unde diu reinu maget . der inre bluome
 24v,20 der goltwarwe daz was crist unsir herre in ir wonete
 24v,21 er unde weidote er unz diu naht was . der
 24v,22 umgeluobe do irscain der ware wistuom

25r,1 do intluoch sich der bluome . do wart allirerist gesehin
 25r,2 der goltvarwe . bluome . crist . do was der nahteschate
 25r,3 hine der ungeluobe . Nu suln wir sehin . wie
 25r,4 er noch an uns wedine . ube unsir wurze ist uon
 25r,5 yesse . unde ube wir sten in deme tale . daz ist unser
 25r,6 diemuot . unde ube unseriu bletter uf erde-net sint .
 25r,7 daz wir bilden die heiligen an ir lebinne . unde ube
 25r,8 unsir stam ist uon israhel . daz chit ube wir got wellen
 25r,9 sehen mit dem inren ougin . unde ube wir linde
 25r,10 unde senfte sin . in unserreme gehebede . unde ube
 25r,11 wir wis sin . unde raine unde chuske . unde ube
 25r,12 wir wole stinchen . unde wole smakhaft sin . in
 25r,13 den heiligen tugenden . so wonet und weidot
 25r,14 got in uns . unz diu naht ist . daz chit unz uns irtschinit

25r,15 der rawe tach . nach ellende . so zaiget sich
 25r,16 allererist . der goltvarwe bluome . daz ist got
 25r,17 den sehen wir denne a facie ad faciem .
 25r,18 Nu chere widere min liep . wis gelich deme
 25r,19 hintcalbe . unde deme rechchitze . uf deme berge
 25r,20 bethel . diz gebet daz ist miner trutfrowen umbe
 25r,21 die ellenden . herre da du gevarn bist . ze der zesewen
 25r,22 dines uater . in diner herschefe . nu neuirgez

25v,1 den ellenden nicht habe den site der wenigen
 25v,2 tiere . die da schate suochnint . unde ze berge stigent
 25v,3 daz man siu etewenne sihet . wellez iz der berch . den
 25v,4 got gerne stiget . unde er doch nicht z ende . ne chumet
 25v,5 in disime libe . svie wir gyot werdin . unde svie
 25v,6 durnahtech . so haben eidoch den willin . daz wir
 25v,7 iedovc gerne bezzer waren . an den berge weidit
 25v,8 sich got gerne . er geit gerne unde suochet schaten
 25v,9 unde zaiget sich mit eteliceme boumehene sin'
 25v,10 crefte . daz er ir nicht uirgezzen in hat . wande ime
 25v,11 sothane wille lichenet . die so hovch sint daz siu niemmin
 25v,12 ubirstigent mach . wande svie gyot der menniske
 25v,13 wirt in zivhet sin wille dannoch hohir .
 25v,14 Des nahtes an minem bette . do rvoft ich mineme
 25v,15 liebe . den min sele minnet er ne antwurte mir
 25v,16 niet . ich suochte in unde ne uant sin nieth . do stont ich
 25v,17 uf und umbe gie die stat . unde die wege unde straze
 25v,18 unde suochte den min sele minnet . ich suocht in ih
 25v,19 ne uant sin nicht . do ich in sorgin geinch . do uvndin
 25v,20 mich die wahtentin purgare . die uragethe
 25v,21 ich unde sprach sus . zuoz in . "sahet ir iener deN
 25v,22 min sele minnet"

26r,1 Eein luzil dar nach do ich si alle durcstrach
 26r,2 waz ir iegelicher mir chunde gesagen uon ime
 26r,3 do uant ich min liep . den min sele minnet .
 26r,4 ich habete in . unde in laz in uon mir nicht . e ich
 26r,5 in widere bringe in miner muoter hus . unde
 26r,6 ir gademe . des nahtes an mime bette daz
 26r,7 chit do ich an mineme bete lach des nahtes
 26r,8 daz ist disiu weltuinstere . in der man liget in den
 26r,9 flaislichin gjrdin . do uant ich dazh ich haimliche
 26r,10 unde leipliche . got haben mahte des in mahte
 26r,11 nieth sin . ich suocht in mit uasten unde mit
 26r,12 wachen . unde almuosine . unde manegen
 26r,13 werltliche gyotaten . da man sich gone mite nahet
 26r,14 unde die sunde mit tiligot . doch ne wirt got da
 26r,15 mitte nicht garliche fundin novch gezartet .
 26r,16 uone manegeme geschihit iz abir daz ist seltsane

26r,17 wande svie gyot almuosinare er ist . er git gote einiz
 26r,18 unde izzet er driu . unde ist ez ie daz beste uone
 26r,19 diu so ne wirt ime nicht garliche . liebe ane
 26r,20 weltlicheme liebenne . gezaiget wande swie gyot
 26r,21 er si . ioch ime unwizzende . unde ime unwellende
 26r,22 irmanet er got dikke .

26v,1 Nu frage ich die weltwisen . die sagent mir nach
 26v,2 ir wieliche . ich in mahte den nith uinden den
 26v,3 min sele minnet . do stont ich uf . daz chit ich zovch
 26v,4 mine sele . uz deme pette mines puewes . da si lach
 26v,5 in ulaislichen girden . unde uragete patriarchas et
 26v,6 prophetas unde die boten . die burgare daz sint alle
 26v,7 gotis lerare . waz siv mir chundin gesagin . do heizin
 26v,8 siu mich gen . uon der braitin straze . da man sich gyoter
 26v,9 ding schamin muoz . siv zaigetin mir an den
 26v,10 engin stich . da man sich ubeltaten schamin muoz
 26v,11 nu uernemet ein weltlich menniske der gyot dunchet
 26v,12 an der menniskin ougin . der in mach nith so govt sin . so in gaistlicheme
 lebenne
 26v,13 ioch ain uile broder wand er uon erest sich
 26v,14 willeclichen gebunden hat . an die sul der gihorsame .
 26v,15 unde an die schraigate gaistliches girihtes
 26v,16 daz ist in allen stetin uile here . da man durnahtedliche
 26v,17 uersmahet sich selbin . unde aiginschaft
 26v,18 uirmidet . die also sint arm unde brode dennoch
 26v,19 sint elliu menniskin . die ir barmede uber in
 26v,20 uirliesent . so ist ime doch got helfe wan got in
 26v,21 sihit nicht so uerre ane die brodiklichen missetat .
 26v,22 so daz anegenge der willigen becherde .

27r,1 er ne betratet uns nicht chrimmicliche nochuarliche .
 27r,2 sunder uaterliche unde muoterliche wan er iz ist
 27r,3 nu han ich den fundin den min sele minnet . wie
 27r,4 er hat gischieret . in siner ewikhaite . ane zit . er ist
 27r,5 fure gegangen mit sineme gewalte in daz zit . er hat
 27r,6 gerichesot in sineme rehte in deme zite . er hat sih
 27r,7 gespendit . in siner irbarmide . in elliu ende unde i-
 27r,8 alle stete . wie wan senfte ist diu stat zu erchennenne .
 27r,9 da got ist . uil unsenfte ist daz ze wizzenne . wa er
 27r,10 niene si . wan er ist gangenwurtich in allen stetin .
 27r,11 so . daz ir ne sitzet novch ne stet . da ze himile
 27r,12 sundir er ist da . noch er liget noch niene stet
 27r,13 in des menniskin herzen . sundir er wonet da un-
 27r,14 ist da . in heiligen bilde . da suln wir in widere
 27r,15 bringin in unsere muoter hus . daz chit swer
 27r,16 minne habe in der hailigen christinhait . den
 27r,17 sulen wir bezzeren . mit worten unde mit werchin .

27r,18 daz ist bringen in daz hus . unde sulen in
 27r,19 leren . die inwartigen anedaht . daz ist din . chemennate .
 27r,20 Ich beswere iuch tother
 27r,21 ierusalem . daz ir mine gemahelen niene weckent
 27r,22 . e . si selbe welle uvre gen . der uers trifft

27v,1 an die christinhait . der iuden der noch uvre gen suln
 27v,2 an deme ende der welte . so diu zale irvullet wirt
 27v,3 der diete . under den gent ze uorderost diu muoter
 27v,4 also her nach stet .
 27v,5 Wer ist diu da uf get als ein chlainu rovchgerte
 27v,6 uon mirren unde uon wierovche . unde uon deme
 27v,7 stuppe allir shlate bimenten . wer ist disiu maget & con
 27v,8 daz ist die got irwelet hat . unde die der heilige
 27v,9 geist gezeret hat . er liete sie durch die wuoste daz
 27v,10 was diu wuoste . der welte . div da uil lange unberhaft
 27v,11 gelegen was . si get ouch hiute durch die wuoste
 27v,12 der tugentlosen . unde widermacht die uirhereten .
 27v,13 unde die uerchunsten . unde trostet die
 27v,14 diemuotigen . unde die weinenten . si widirladet
 27v,15 die missetrivaenten . si loset die geuangenen si
 27v,16 weget den sculdigen si git gelaite den chomenten
 27v,17 si ebendolet den serigen . si ist gedultich den suntigen .
 27v,18 si ist ein antlaz den riwwigen . also get si
 27v,19 mit deme edilen smakke durch die uuvoste dirre
 27v,20 welte . diz ist diu helfe die got sinen irweltin
 27v,21 selen gigebin hat .
 27v,22 Daz bette salomonis daz umbe gent sehzek

28r,1 wigande . der aller iegelich hat sin swert in handen si
 28r,2 chunnen alle mahtige uehtin . si habent ir svert umbe
 28r,3 ir sithen . durch die nahtuorhte . daz tet salemon
 28r,4 an sineme bette . er scerete unde dahtae nach fride
 28r,5 also tet salmon pacificus . daz ist got unser allir herre
 28r,6 er rrowete allererest an den bette . daz waz miner
 28r,7 trutfruwun sele . ir lip daz was daz gezelt . daz hate
 28r,8 ime der hailige geist gezeret . daz bette was uon anegenge
 28r,9 beuolhen deme wigande gabriele . daz chit
 28r,10 gotis sterche . iacob der patriarcha . hete gesprochen
 28r,11 uon einime ackere mit volleme wochere . da stunt
 28r,12 ane der ficpuom . unde der olepoum . unde der wintrube .
 28r,13 unde der rosebluome . unde liliebluome unde
 28r,14 daz volle eher der uicpoum der bezeichenot die
 28r,15 diemuot . der oleboum bezeichenot die heiligen
 28r,16 erbarmede . den wintrube bezeichenot den gotis
 28r,17 anden . unde die werch des anden . der rosebluome
 28r,18 bezeichenot die bluotigen martyre . in der ir sele
 28r,19 gemartyrot warth die lilye bezeichenot die

- 28r,20 chuske unde diu werch der chuske daz uolle
 28r,21 eher daz bezechenot die durnahte allir slhate
 28r,22 tuginde . in der si gesegenot wart . ubir alliu wib .
- 28v,1 disiu maget was der acker si was daz pette da got
 28v,2 ane ruowete . wes dahte er . daz uernement . daz er besuonte
 28v,3 himel unde erde . got unde menniskin . unde
 28v,4 er uride bhrate . aller der welte . uon diu so ne uvirthen
 28v,5 in nieht . die clainmuoten . er sprichet selbe “ich
 28v,6 ne chom nieht daz ich ertailte de welt . sunder daz
 28v,7 ich gehailte” disiu sehs werch waren . durnahte ane
 28v,8 miner frowwen . von diu mach wol sprechen seczek
 28v,9 dannan sehsiu . der ir magetzoge gabriel . der uaht
 28v,10 uvr si mit der zesewen hant . er schirmet ir mit der
 28v,11 zewinsteren hant . daz si ne uerwundet wart uon
 28v,12 neheinime schoze des tieuvels Er ruowet novch
 28v,13 in der rainen sele . da dise tugende wonent daz si
 28v,14 diemuote sint . unde erbarmich . unde gotis anden
 28v,15 habent . unde ir lip martyrent mit gaistlicher enthebede .
 28v,16 unde chuske sint an den muote . unde an den
 28v,17 willen . unde siu strebint in durnahte z allen ziten .
 28v,18 er wonet in aller der guoton herzen . da wirt er behotet
 28v,19 unde bewahret . uon den heiligen leraren
 28v,20 die tragent ir svert in ir handin . daz ist daz gotis
 28v,21 wort . si tragent daz andere umbe r siten . daz ist
 28v,22 daz si sich deme tiuuele werenth . unde an innen
- 29r,1 selben erslahent alle achuste .
 29r,2 deR chunich salmon machete ime selbime einin
 29r,3 tisk . des holzes uon lybano . daz ist unuvlich . die sole
 29r,4 da der tisk ufe lach . die waren silberen . diu lineberge
 29r,5 bi deme tiske . diu was guldin . diu stiege diu was
 29r,6 rot . aber diu mitlode des tiskes daz was sanfte unde
 29r,7 gemacliche unde minnecliche gegradowt . durch die
 29r,8 iuncurowen daz sie lihte getretin mahten uf ze deme
 29r,9 tiske . daz muoshus daz was wole gestrovwt durch
 29r,10 die allichgen menegen . daz chit alliz daz gidigene
 29r,11 Der heilige gotis wistuom daz ist der gewaltige chamarare .
 29r,12 der den tisk girihtit hat . mit gotes
 29r,13 lambe . diu guldine lineberge daz ist diu heilige
 29r,14 uernunst . da sich got ubere gelainet hat . zuo siner
 29r,15 gemahelen . daz ist diu heilige cristinhait . unde
 29r,16 ze uorderost diu gotis muoter . unde ein eigelich reinu
 29r,17 sele . die sich gemuozzegot habent unde gelainet
 29r,18 habent . unde uil suozecliche gemahelchoset
 29r,19 habent . mit deme waren salemone . ire gemahelen .
 29r,20 wir wellen tumbin chindin sagin . waz vernunst
 29r,21 ist . also wir z uersten . svaz der menniske wirvet

- 29r,22 odir wurchet odir schafphet . daz widirbildit
- 29v,1 sich in sinen sinnen . uert er in wazzer odir in holze
 29v,2 daz pildot sich in sinen gedanken . sver die widirbildunge
 29v,3 getriuliche unde garliche . unde liepliche
 29v,4 unde innecliche an got keret . daz ist uernunst der
 29v,5 ist nac deme wistuomme der hat sich gelainet an
 29v,6 die lineberge der uernunste . daz ist auch der
 29v,7 gedinge des ewigen libes . nv hat der gotis rath
 29v,8 die gemahelen ze deme tiske leitet . unde hat siv
 29v,9 ze deme wirtschete gesezzet . des gotis lambes
 29v,10 daz ist paulus unde petrus . unde andere die bothen .
 29v,11 daz sint auch die sole da der tisk uffe lac .
 29v,12 wande siv geluteret habent daz hailige ewangelium
 29v,13 also daz wizze silber
 29v,14 diu sterche gotes daz ist der truhtsazze . der die rotene
 29v,15 stiege dar uf gegangen hat . unde sine helfare .
 29v,16 daz sint alle gotis martyrale . der thruhsazze
 29v,17 daz chit diu sterche . diu garte daz lamp in siner
 29v,18 martyre . unde briet iz unde starhte iz ze gyoteme
 29v,19 smakke der lieben gemahelen . daz ist diu heilige christinhait .
 29v,20 Der gaist der gewizzede daz ist der schenche
 29v,21 der dar uf gedienet hat . daz was iohannes
- 30r,1 ewangelista . unde sine gehelfen . gregorius augustinus .
 30r,2 ambrosius . ieronimus . unde andere
 30r,3 die . die heilige schrift irrechket habent . unde
 30r,4 siu geschenchet habent der heiligen christinhait .
 30r,5 der gaist der gotis guote . der hat die iuncurouwen .
 30r,6 dar uf gelaitet . die senften grade . daz
 30r,7 sint die heiligen wip . magede unde wietewen
 30r,8 unde alle die ainualtich sint . die sich ainualtecliche
 30r,9 allir ir goutate an got uirlazzen habent . Der gaist
 30r,10 der uorhte . daz ist der saher da daz mushus mite
 30r,11 gestruowet ist da mite sol alliche diu menege genesin .
 30r,12 wande sver nith govt in sin ne mach der mach
 30r,13 aber uvrhten . diu wite des muoshuses
 30r,14 diu bezeichenot die heiligen cristinhait . unde
 30r,15 minne . die diu alliche christinhait in der ainualtigen
 30r,16 geluobe ze gote hat .
 30r,17 Det uz ir iuncurouwen ir da buewent in syon .
 30r,18 unde tut ware des chuningis salemonis
 30r,19 unde tut ware der corone da in sin muoter mitte
 30r,20 gezeiret hat . in sineme maheltage . unde si in
 30r,21 gezieret hat in dame tage der uroude .
 30r,22 diz sulin alle die uernemen . die weinende unde
- 30v,1 chrachende lident die arbaite . die in got gordenot hat .

30v,2 wande er uns mit uroude erlost . daz wir denne
 30v,3 widir dehainen arbeiten murmulen . wan des
 30v,4 tages do er himel unde erde gescuof . do ne was
 30v,5 sin uroude nieht so michel . so do er mit sineme
 30v,6 bluote . die menniskin irloste uone welher siner
 30v,7 genade er uns des schuldich wart . daz sulint
 30v,8 ir uernemmer . daz chit . O culpa nimium
 30v,9 beata qua redempta est natura . sua ein gewarhaft
 30v,10 man ainen gehaiz tuot . des gehaizes ist er schuldich
 30v,11 ze laistenne . er gehaizet iz deme tieuele
 30v,12 ioch dronte . er wolte einen strit machen . inzwiskin
 30v,13 ir unde ime . er giheiz noe er ne wolte uns
 30v,14 nieht mere ertrenchen . in der sintuluote er gihiez
 30v,15 abrahame daz uon sineme samen . gesegenet uuvrde .
 30v,16 elliu diu erde er giheiz iacobe . er suoor sin
 30v,17 dauide . als ez chit . Iurauit dominus et non
 30v,18 penitebit cum . do was er sin schuldich ze laistenne .
 30v,19 sin genade tuang in des eides
 30v,20 sin warhait getuang in daz er iz leiste . daz was
 30v,21 diu eine shulde die man sailich haizet noch ist
 30v,22 ein andir schulde die man och sailich haizet

31r,1 daz ist unsir schulde . durch die wart diu gotis
 31r,2 tugent itenuwet an der menniskin ougin . nu
 31r,3 uernemment wie . Got hete harte gezaiget sinen
 31r,4 wistuom . do er himel unde erde geshuof . noch was
 31r,5 daz wunderlichere . daz er her in welt chom . unde
 31r,6 hie gie under den menniskin . so . daz man niene
 31r,7 bechante . Got hete sine guote uil harte gezaiget
 31r,8 do er den menniskin uon niehte gescuof . daz er sin
 31r,9 chint ware . daz waz ein mere gopte . do siu sine uiende
 31r,10 wurde- . daz er in do uatherliche half . uon diu in
 31r,11 wuirhten in nieht harte die guotes willin sin . wolt
 31r,12 er iemen uirliesin . so hate er si do uirlazen .
 31r,13 Got hete sinen gewalt harte gezaiget an deme
 31r,14 tieuile . do er in an den grunt . der helle sluoc
 31r,15 daz was grozer . do der tieuil den mennisken aN
 31r,16 den grunt der helle gezogen hete . daz in der gotis
 31r,17 gewalt sines undanches her wider uf zovch . unde
 31r,18 in satze in die hohe des himelriches . daz daz also irgie .
 31r,19 daz geschach alliz uon der erstin sculde . uon
 31r,20 diu mahte si sailich haizen . in der unser natura
 31r,21 irloset wart . wande uns hete got raine unde
 31r,22 edile geschaffen . do wurdin uns die sunde ioch

31v,1 naturlich . dannan loste uns got . uon diu so sprechin
 31v,2 wir . get uz ir iuncuruouwen . get uz ivwereN
 31v,3 gireden . get uz uppigen friuntscheften . gent uoN

31v,4 weltlichen spellen . get uz uppigen maeren . get uz
 31v,5 flaislichen gedanchen . unde get uf die loubiN
 31v,6 unde uf die warte da ze syon . da seher ivwereN
 31v,7 chunich tragen die durninen corone die ime siN
 31v,8 muoter uf sazte . daz waren die iuden uon deN
 31v,9 er geborn was . iz geschach an deme tage siner urovde .
 31v,10 wan der urouete sich . daz er mit sineme bluote
 31v,11 alle die welt irloste . uon der uinsteren helle . unde
 31v,12 uon deme gewalte des tieuuels . alse disiu elliu worhte .
 31v,13 der heilige gaist . in der tounegenun chamere
 31v,14 daz was diu wambe der gotis muotir . uone diu
 31v,15 geben ir gare diz capitel undae daz here nach stet
 31v,16 Wie schone diu bist friundinne min . dinu ougin
 31v,17 daz sint tuben ougen . ane daz . daz innerlacheN
 31v,18 uerholen ist . daz chit der hailige gaist der
 31v,19 bezachenot die tuben . der hat dinu ougen iNtluhtet .
 31v,20 daz diu siv guotliche hast gecheret . z allen
 31v,21 menniskin . diu sihest die ubelen guotliche ane
 31v,22 want diu siu beezerst . diu sihest die bluodiN

32r,1 minneclichen ane . want diu in ebindolest in ire
 32r,2 harmichait . diu sihest die serigen holtliche ane
 32r,3 want diu siu trostest . diu sihest die durchnatigeN
 32r,4 unde die guoten suozliche ane . wande siu dich nach
 32r,5 pildent . uon diu ist din anedaht guot . unde dine
 32r,6 gedanche sint raine . diu gestungede dines herzen . diu
 32r,7 ist suozze . noch ist ane dir uerholn daz allirbeste .
 32r,8 daz ist der gedinge der guoten ding . unde
 32r,9 der chunftigen guote . unde des himilisken zartes
 32r,10 waz ist daz . ist ich gesate diniu ougen . der getouggem
 32r,11 mines unermezzenen wistuommes . ich gesazte dinu
 32r,12 oren . des wunneclichen lobesanges . der himelisken
 32r,13 erben . ich gesazte dinen waz . mit deme oberosten
 32r,14 smakche . miner herschefe . ich gesazte din herze
 32r,15 in mine suozzesten minne . die hast u unerdroddenliche
 32r,16 unferwartliche . unzergancliche iemmer
 32r,17 ewecliche . wande du z in deme gedingen noch
 32r,18 hast . mere danne in der warheit . so ist iz uerholn
 32r,19 ienoch . unz nach deme urtaile .
 32r,20 Din uahs daz ist gaizze korter daz der get uf
 32r,21 deme berge galaad . aber dine zene sint
 32r,22 also daz quorter der geschornen schaffe . unde

32v,1 uf stigent uon deme wasce . ie zuai unde zuai . mit
 32v,2 zuhete . und sint alliu beerehaf .
 32v,3 Daz uahs wahset uon deme houbete . also ist
 32v,4 uon dir truturouwe gewahsen . daz exemplum .
 32v,5 uile maneger tugende . daz hat nach gibildit

32v,6 diu christinhait . alsame si din uahs si . wande
 32v,7 iz alliz uone dir errunnen ist . diu bist ir houbet
 32v,8 wande aber manege in der christinhait uone
 32v,9 michelen sunden . ze guoteme lebenne choment .
 32v,10 so wirt iz mit deme gaizequorter bezaichenot .
 32v,11 daz abir dine zene sint also diu geschornen schaf
 32v,12 daz sint die hailigen laerare die habent hine geworfen
 32v,13 den schapare der geriskhait unde aller
 32v,14 unrehter gewinne svenne die lerare samenen
 32v,15 daz gotis worht . da mitte wahskent si sich . also
 32v,16 mit wazzere so si z sagent so sint siu die zene die
 32v,17 iz chiuwent unde malent der leiben gemahelen .
 32v,18 daz is ir chumet ze smakche . unde ze uerchaften
 32v,19 magene . daz mit zuhten gent daz ist
 32v,20 quote liument . daz ir zuai sint . daz bezeichenot
 32v,21 die zuo minne . gotes unde ir nahesten
 32v,22 daz si berehaft sint . daz bezechenot deN

33r,1 woher . ir guotin willen .
 33r,2 dine lefse sint als ein rotiu binte . din chose
 33r,3 ist suoze . dine larare die den munt bezeichenent .
 33r,4 die chundent deme lute die rote mines
 33r,5 pluotes unde daz ser miner martire . da mite ih sie
 33r,6 irloste unde duingent . siu zesamine die undertanen .
 33r,7 in aine geloube unde in aine toufe .
 33r,8 unde in aine minne . also diu pinte zesamine
 33r,9 duinget die menoge der lokche . ir gechose
 33r,10 ist suoze . wande si chundet deme lute die suoze
 33r,11 des evvigen lones . siu ne mainent nieht mit ir
 33r,12 gechose . neware min lop . unde min scone .
 33r,13 unde min ere . uone diu lichet mir ir scone
 33r,14 Mine huffel sint als ein bruch des roten apfpheles .
 33r,15 ane daz daz inrinlacheN

33r,15

33r,15
 33r,16 ane dir uirholn ist . der rote apfphel . der ist
 33r,17 liepliche ane ze sehenne . wirt er abir zirbrochint
 33r,18 so ist er wole smakhaft . die mine irwelten die
 33r,19 schament sich ir sunden . unde ouch ander
 33r,20 lute missitate . daz bezechenot die rote des
 33r,21 apfpheles . der bruch bezeichenet mine martire .
 33r,22 min itewizze . unde min chruce des

33v,1 ne schament siu sich nieht . sunder siu gouetelichent
 33v,2 sich dar ane . er sprach selbe . “sver min offenliche
 33v,3 uirgihit . hie . des uirgihe ich offenliche uor mineme

33v,4 uatere . in deme himele ." diz ist guot ze
 33v,5 uerstenne . den maisteren . unde den undirtanen .
 33v,6 daz siu gotis offenliche uergehen . daz tuont
 33v,7 si danne . so siu durch vorhte nieht ne uerswiegent .
 33v,8 swaz an gotis ere get . unde siu durch uientschaft
 33v,9 nieht ne andent newan den gotis tail
 33v,10 die habent gotis martire geeret . wan siu habent
 33v,11 selp den lip . ze dere martere gegebin . wande siu
 33v,12 muozzen ahtesal liden . den git er inwartis die
 33v,13 suoze . diu den ubelen uil unchunt ist . in der
 33v,14 uernunstlichen gestungede .
 33v,15 din hals ist also dauides turn . dar ane obene
 33v,16 hangent tusint schilte . unde allir slahte
 33v,17 wichgewafene . wande iz ist harte wole werehaft .
 33v,18 nu nement ware . wie der turn gewurchet
 33v,19 si . swer ainen turn wurchet der
 33v,20 sol eine gruntueste . legen . fierekke dar uf
 33v,21 wurchet er . er machet ain phalster uone chalche .
 33v,22 unde uone grieze unde uone wazzere dar

34r,1 wurchet er mit stainen . der chalch ist diu riuwe
 34r,2 der sant ist daz emzige gebet . daz wazzer ist diu
 34r,3 gestungede der zahere . die staine da sint diu
 34r,4 guoten werch . daz ain ekke der gruntueste
 34r,5 daz ist diu diemuot . die wir habin sulen umbe
 34r,6 den lip . daz chit an deme gewande . daz andere
 34r,7 ist diu diemuot an deme libe . daz ist unser
 34r,8 gehebede . daz dritte ekke daz ist diu diemuot
 34r,9 an unseron worhten . daz uierde daz wir
 34r,10 diemuote sin an unsereme muote . dauid worhte
 34r,11 disen turn . dauid daz chit sterche hantstarcher .
 34r,12 er wurchte . daz an allen mennisken wande
 34r,13 iz ist got . abir der erste turn . daz was diu
 34r,14 gotes muoter . diu was werehaft . wider deme
 34r,15 tieueule . unde widir allen den achusten .
 34r,16 An deme turne waren . zinnen ze oberost . zinnin .
 34r,17 daz ist der antlaz . den wir sulin tuon
 34r,18 allen unseron . ahtaren . da hindir gnese wir .
 34r,19 wande got selbe leret uns . "also diu uergist . so
 34r,20 wirt diruirgebin ." daz geruste unde die stige
 34r,21 daz sint unsir arbaite . uasten . wachen . uenien .
 34r,22 uigalate . da mite wurchet der wercmaisteR .

34v,1 daz ist der hailige gaist . abir die schilte daz ist diu
 34v,2 gedult . der man z allen dingen wole bedarf die
 34v,3 gedult diu eruhtet . an den menniskin . die liplicheN
 34v,4 girde . si schirmet den menniskin uon den schozen
 34v,5 des tieuuels . si behuotet den menniskin uon deN

34v,6 wundin . daz sint diu scharfphen wort . der ubelen
 34v,7 menniskin . si offenot den menniskin sine tuogene
 34v,8 achuste . die ne werdent niemmer irfarn
 34v,9 uon den zurnigen menniskin . wan sol gedultich
 34v,10 sin . unde doch man sol huotin daz man ieht uergezze
 34v,11 des gotes anden . wande man vuret daz
 34v,12 swert winsterenhalp . under deme schilte . daz
 34v,13 svert bezaichenet . den gotes anden . unde diu gebot
 34v,14 des almahtigen gotis . daz sint diu gewahssen
 34v,15 schoz . da mite man uirtriben sol . die uiende .
 34v,16 der turn sol beslozen sin . diu gehorsame sol der
 34v,17 torwarthe sin . daz chit diu solt swigen zitlichen
 34v,18 unde gehorsamlichen . diu solt sprechen milteclichen
 34v,19 unde gehorsamlichen . an deme turne hangent
 34v,20 allir slahte wichgewafene . daz sint alle die
 34v,21 tugende da der menniske sine sele deme tieuele
 34v,22 mit wert . wan daz ist gotis burch .

35r,1 Dine zuo bruste die sint gelich zuain citzin der
 35r,2 rechchitzte . diu gezwinline sint . unde habent
 35r,3 ainin uater . daz chit ich han zwaiger slahte
 35r,4 chint . die ich uon den haidinen unde uon den
 35r,5 iuden gesamenet han . z ainer geloube die saligen
 35r,6 sele die weidenent under den liligen . daz chit
 35r,7 siv wejdenont under den rainen gedanchen .
 35r,8 unde in den chussken willen . unz der nahteshate
 35r,9 hine wichet . unde der uf rinnet . daz ist so
 35r,10 uns got loeset uon disime ellende . doch zouch
 35r,11 unser trutfrouwe diu zuai chint . daz sint
 35r,12 die zuo christinhait mit ten zvein brusten
 35r,13 der hailigen irbarmede . unde der gnade . diu
 35r,14 gaiz sihet uil wahsse . unde bezaichenot deN
 35r,15 menniskin . der diu zuai ougen siner uernunste
 35r,16 girihtit hat hine ze got . und ze der sine gesihte
 35r,17 sines nahesten . Ich wil varn ze deme mirreberge .
 35r,18 unde ze deme weirouchbuhele . ich wil
 35r,19 mich den nahen die dise welt uirsmahent . unde allen
 35r,20 ir trost ane mir ainen habent . daz chit die der welte
 35r,21 tot sint . ich wil trosten die serigis herzen sint .
 35r,22 ich wil ouch der wisen die daz wiruoch bezechnont

35v,1 daz sint die mir gebet bringent uon deme luteren
 35v,2 unde uon deme rainen herzen . nu sehet wer daz
 35v,3 si got chom zuo deme berge der mirren . do er
 35v,4 gewisete der hailigen magede . diu sich genomen
 35v,5 hete . uon deme gewonelichen liebe des
 35v,6 elichen hirates . do was ir diu welt tot . uon diu
 35v,7 wart si getrostet . mit engellichen arnede . uone

35v,8 gote . siu was ovch diu ir gebet hine ze gote racte .
 35v,9 do si in deme gademe eine . saz . unde bette
 35v,10 umbe allez daz heil der welte . si wisse wol daz
 35v,11 messias chomen solte . uon ainer magede
 35v,12 wande si do gewizzen was ir engellicheN
 35v,13 chuske . do worhte do diu heilige geloube do
 35v,14 ir der engel zuo sprach . daz si gesegenet ware
 35v,15 ubir alliu wib do enpheinch si got allirerist
 35v,16 mit der geloube . si zaicte die michelen minne
 35v,17 unde getruwete . do si ze deme engele sprach
 35v,18 "ich pin gotis dierne alse diu wellest also geschehe mir ."
 35v,19 Wie scone diu bist min friundinne . wie scone
 35v,20 diu bist . nehain mail n ist in dir . diz war
 35v,21 gesprochen uon deme wissagin . unde wart
 35v,22 bewaret mit deme engele . do er sprach "der

 36r,1 heilige gaist der chumet ubir dich . un- diu tugent
 36r,2 des allirhohistin . diu beschetuwt dich"
 36r,3 diu scone wart gesehen uon deme wistuomme
 36r,4 des ewigen uater . do wegetest du dinen uorderen .
 36r,5 adame unde even . do sach got dine scone antlute .
 36r,6 da diu lage under den anderen chindin
 36r,7 in adames lanchen . unde in even wambe
 36r,8 dar erbarmetest diu die heliegen guote . da
 36r,9 wart diu gotes rache enthabet . da wart der
 36r,10 zorn der magenchrife gestillet . da wart dez
 36r,11 reht geswaiget . da wart durch dine schone
 36r,12 diu suone geschaffen . da wurde diu gordenot .
 36r,13 ain thoter gotis . unde ein muter christes
 36r,14 unde ein bruth des hailigen gaistes . unde diu
 36r,15 wurde gesehen . abir noch sconer . wande diu
 36r,16 bist niht scone . ane dir ainen . sundir an alleN
 36r,17 die dich nach pildent . in allir der christinhait
 36r,18 Vone diu sprach dir got zuo . durc den wissageN
 36r,19 "spetie tua et pulchritudine tua . din scone ist
 36r,20 gesehen in himele unde ist uernomen in erde .
 36r,21 ir ist uerstanden in helle . uon diu so ladete dih
 36r,22 diser wissage dich schonisten brut . unde mit

 36v,1 dir alle die die durch dich scone unde raine wirden
 36v,2 sint Ueni chum uon lybano gemahele .
 36v,3 chum mir uon lybano chum mir" Su solt
 36v,4 gezeret werden . uon den schiueren unde
 36v,5 uon den spizzen . der holn berge amanas . sanir
 36v,6 unde ermon . an den sint lewen lovcher unde
 36v,7 liebarten holer . dri stunt han ich dich geladet .
 36v,8 daz chit . diu bist geladet uon deme uatere .
 36v,9 unde uon deme sune . unde uon deme hailigen

- 36v,10 gaiste . diu solt gecoronet werden . uon
 36v,11 den wahssen sciveren . daz sint
 36v,12 diu freislichen menniken . diu mit diner
 36v,13 helfe erneret werdent . theophilus unde cyprianus .
 36v,14 unde andere uil manege da mite
 36v,15 die diu liebu urove irflehet hast umbe got
 36v,16 nu hat er auch geladet die christinhait zuz ime . daz
 36v,17 chit got wil daz wir durnahte sin . in gedanchen
 36v,18 in worhten in werchen . in unserre gehorsame
 36v,19 in unserre gedult . in unserre . geloube in unsereme
 36v,20 gedingen . in unsere minne . er wil daz wir
 36v,21 uns uoben in unserre gehuht in unserre uernunst .
 36v,22 in unsereme guoten willen . er wil daz
- 37r,1 wir erchennen sin reht . unde minnen sine
 37r,2 warhait . unde vurhten sin urtail . er wil daz
 37r,3 wir nahen siner sterche . unde gedingen hine ze
 37r,4 den ewigen unde trost haben ze siner erbarmede
 37r,5 daz wir den uater loben . unde den sun ereN
 37r,6 unde den hailigen gaist guotlichen . undae daz
 37r,7 wir den gewalt suochen . unde daz wir den
 37r,8 wistuom uinden . unde wir den hailigen gaist
 37r,9 in aller unser sele minnen . wande in deme werdent
 37r,10 siu alle enphangen . Doch hat got aine
 37r,11 iegeliche sele geladet dri stunt . amana . daz chit
 37r,12 ein wahtenter zant . unde werdent da mite bezechenet .
 37r,13 die allirerist ze becherde choment
 37r,14 unde si danne wachent in ir gedanche . siu clhibent
 37r,15 unde malent alse der zan tuot . waz govt
 37r,16 vnde daz nutze ist . unde habent die michelen
 37r,17 angist . ubir ir gedanche . alse ubir die werch
 37r,18 daz wirt in diu erste corone . dar nach chumt sanir
 37r,19 daz ist stinchenter unde uvlicher . daz chit in
 37r,20 cheret der lip mit des tieueles rate ane . unchuske .
 37r,21 girde . unde geluste . daz uirtribet
 37r,22 er auch mit gotis helfe . wande ir ist ein stinchintu
- 37v,1 boshait . so ladet got z er dritten stunt . daz
 37v,2 chit hermon . daz chit uiruluocheter und hine
 37v,3 geschaidiner . daz wirt diu dritte ladunge
 37v,4 unde diu wunecliffe ladunge . so in got loset
 37v,5 uon disime ellende . so hine shaidit der tieuel
 37v,6 so wirt uiruluochet der tieuel . so werden wir
 37v,7 gecoronet uone gote . so haben wir dritte stunt
 37v,8 gesiget . uon diu sprichit got diu hast min herzen
 37v,9 uirwundit . min gemahale uerwundet has tu
 37v,10 min herze svester in ainme diner ougen . unde
 37v,11 in ainme dineme halshare . odir in ainme

- 37v,12 uahsstrenen dines halses . diz wart gesprochen
 37v,13 ze der gotes muoter . diu hate ir einigiz ouge gecheret
 37v,14 hine z ime . er nande si svester wande
 37v,15 crist gotis sun was . do was MaRia sin tohteR
 37v,16 wande christ nie nehain gesuesterigide so rainz
 37v,17 gewan . si was daz ouge daz christ her in dise
 37v,18 welt gezoch . wande elliu diemuot an deme gebrouchten
 37v,19 halse gemeret wirt . so sprach er
 37v,20 unde an ainime dineme halshare . daz chit
 37v,21 "diu bist diu diemuotigestege . diu bist ouch
 37v,22 diu chuskiste . uon diu gesihest e allirhaiteriste"
- 38r,1 daz er sprach "verwundet has tu min herzen . daz
 38r,2 chit den sun mines herzen . den ich ie an anegenge
 38r,3 han in mineme buoseme . unde in mineme schozen .
 38r,4 unde in mineme herzen . den han ich ze den bluotenten
 38r,5 wundin gegeben . durch dinen willeN
 38r,6 den han ich ze deme galgin des chrucis
 38r,7 gegeben durch din hail . den gab ich ze deme biteren
 38r,8 tode . durch dine urlosede . unde durch
 38r,9 alle die christinhait . der ouge unde der houbet
 38r,10 diu bist . diu bist ouch ir hals . wande mit deme
 38r,11 uahsstrenen dines halses . elliu christeneN
 38r,12 menniskin bezechenet sint . so hat mich din
 38r,13 diemuot unde ir diemuot verwundet . unde
 38r,14 din minne unde ir minne . bezeichenot daz
 38r,15 ouge da mitte diu unde si . mich uerwundet
 38r,16 habent . durch daz gab ich minen lieben sun
 38r,17 ze deme tode ." Wie scone dine
 38r,18 bruste sint . suester . wie scone dine bruste sint gemahele .
 38r,19 daz chit ich bin daz houbet dar ane elliu
 38r,20 saligen ougen gestekchent . sint . diu bist der
 38r,21 hals an deme elliu diemuotigen herzen haftent
 38r,22 also daz har . die gitriuwen lerare daz sint
- 38v,1 die bruste . die mir wol lichent . wande siu spunnehaft
 38v,2 sint . si sint mine ammin . wande siu zehent
 38v,3 minu kint . mit miner himilskin suoze .
 38v,4 die daz nieth irliden ne muogen . daz man si lere
 38v,5 uon deme strengen rehte miner urtaile sundir
 38v,6 sie bezzeret daz mere . daz siu horent uon miner
 38v,7 suozen minne . unde uon miner ubirtreffenten
 38v,8 gnadin . daz sint mine getriuwen horare . den
 38v,9 urchundet der hailige gaist mine minne .
 38v,10 Nu spricht der wistuom . d' guot' gesmak dines geselbis .
 38v,11 der ist ubir alle- smak d' wuirze . daz chit
 38v,12 din wieliche . diu ist als ein geselbe wol chreftigez
 38v,13 wande diu zeuhest nach dir . mit dineme smakke

- 38v,14 die minneren . unde die wenigen die halsist
 38v,15 diu . unde nimest in die missetriuwe . unde
 38v,16 bringest siu an die chriftigen . gedingen mines
 38v,17 lones . des ist durft under gaistlichen luteN
 38v,18 wande so er sich geloubet aller weltwunne .
 38v,19 so uaret sin der tieuel . mit siner bechorunge .
 38v,20 daz ist unrehtiu uorhte . unde missetriuwe .
 38v,21 unde truren . unde chrimmigez gemuote
 38v,22 abir diu chint des hailigen gaistes . diu sint
- 39r,1 uro . unde mendent z allen zithen . unde sagent
 39r,2 ie unde ie uon deme lone der ewigen suoze
 39r,3 nu wizzit wole deme tieuele ist nith laidir .
 39r,4 danne mandunge . unde uroide diu gottelich
 39r,5 ist . uon den ist gesprochen .
 39r,6 Dine lefse die sint treiffente wabe . gemahele
 39r,7 undir diner zungin ist honich und milch .
 39r,8 unde der smak . diner waete . der ist als ein wierouchsmak .
 39r,9 daz chit din munt ist der wabe .
 39r,10 daz goteliche chose . daz bezaichenet den saim .
 39r,11 daz trophezot allezane uon der sailigen munde .
 39r,12 daz der man uf der zungini hat . daz wil er ezzen .
 39r,13 daz er under der zungin hat . daz wil er gehalten .
 39r,14 also tuont alle gotis gemahelen . die gehaltent
 39r,15 ir nahestin die selben suozze . da ir herze
 39r,16 mitte gewunnesamet ist . uon gotelichen dingen .
 39r,17 siu gehaltint och suozziu unde minneclichiu
 39r,18 dinc . uon der gotes menniskhait . wande
 39r,19 man an iewedereme weide uindet . also got
 39r,20 selbe chit . siu gent uz unde in . unde uindent
 39r,21 waide . diu weide diu ist den unchreftigen
 39r,22 ein miclch . unde ist den chreftigen ein ezzeN
- 39v,1 abir der stanch dines gewates . daz ist weirouch . alse
 39v,2 daz gewate . den lichamen decket . an der menniskin
 39v,3 ougin . also dekcent die hailigen sele . die
 39v,4 durnahtige tugende . ane gotes ougin . siu smekcent
 39v,5 ouch mit gouteme leumende . an den oren
 39v,6 den christinhait . also wirouch .
 39v,7 diu bist ein beslozzener garte . min suester
 39v,8 diu bist ein wol beslozzener garte min gemahele .
 39v,9 unde bist ein bisigelter brunne .
 39v,10 Daz chit uon unserre frowwun . nehain garte
 39v,11 ne mach beslozzen sin . er ne si e bezuinodir
 39v,12 bemurot . diu mure daz was diu diemuot miner
 39v,13 frowwen . der ne wart nehainu gelich . daz
 39v,14 sloz daz was diu chuske . der gartinare daz
 39v,15 was der heilige gaist . der da zuoch in ire alle

39v,16 die gruone . unde allen den wuocher da got mitte
 39v,17 gewenet wart . er was der wirt . der uzzirtalp
 39v,18 hete beslozen alle sunde . alle achuste aller slate
 39v,19 ubele . er was der torwartel der christin in lie .
 39v,20 daz daz sloz ne uf getan ne wart . der heilige
 39v,21 geist der buewete mit christe . in deme garten
 39v,22 ainen so getanen wuocher . unde einin so suozen .

40r,1 wuocher . daz ouch do gote da zam . wirt ze wesenne .
 40r,2 got was da wirt . der was da herre . er was da uater
 40r,3 beidiu des sunes unde der muoter . er was der
 40r,4 wercmaister . der die putze gesigelet hate . was
 40r,5 daz waz diu putze\&con daz was daz lutere
 40r,6 gewizzede . unde daz unsuldigen leben . daz was
 40r,7 an ire . daz was der brunne . an deme allez unser
 40r,8 hail . uersigelet was . ware si dihainer sundin
 40r,9 gewizzen . so geloubete si so wole nieht . an ire
 40r,10 geloube stont alliz unsir hail . wande da christ
 40r,11 mitte wart enphanhen .
 40r,12 noch sint ouch garten da . wonet inne got
 40r,13 daz ist gaistlichen leben . unde ioch ieclich
 40r,14 gaistlich menneskin . obe si den zun der guoten
 40r,15 gewonehait . unbe sich habent . unde der bedurnet
 40r,16 ist . mit den wahsen geboten . unde wol
 40r,17 beslozen ist mit redelicheme . suigenne . man
 40r,18 sol in houwen mit der gehorsame . diu slehet
 40r,19 den stam inzuaj . daz ist der ubele muotwille .
 40r,20 si slehet ouch die wurze . daz ist der guote
 40r,21 muotwille . alse sulin gotis chint den garteN
 40r,22 puewen . wir sulin in tingen mit der geloube .

40v,1 wir sulin sagin . mit ten gotes worhten . wir
 40v,2 sulin ekken mit er undirschidunge . wir sulin
 40v,3 ietin da ze capitele . mit der redeliche buoze
 40v,4 wan sol die diemuotigen lazen genesen . unde
 40v,5 sol die wирderbruhtigen . uaste touben . so sol .
 40v,6 gotes gemahele ir herren garten puewen . so
 40v,7 wahset der wuocher der minne . der grovnet
 40v,8 iemmir hie unde haer nach .
 40v,9 da get uf iewederhalp . ain unrehtez chuerth
 40v,10 daz ist diu uppige guotliche . anderhalp
 40v,11 diu hohfart . daz man ioch guoter dinge ioch
 40v,12 hohfertich ist . unde man wil gelobt werdin .
 40v,13 umbe die gotis gebe . der uns nie ne bestet . sver
 40v,14 ditze uncrut nicht uz gitet . der erderret die
 40v,15 gotis minne . ist si ioch e bechomen .
 40v,16 Wie dicke sulin wir getin\&con sibin stunt daz
 40v,17 hat got gebotin . iz ist aber min rat sibinzic

- 40v,18 stunde . wande iz allizane durtf ist . waz
 40v,19 ist aber der besigelte brunne\&con daz ist der gotis
 40v,20 wistuom . waz ist daz insigele\&con daz ist der
 40v,21 lutere gewizede . waz ist daz\&con daz ist daz der
 40v,22 menniske . nicht ne geret ze gewinnne . noch
- 41r,1 nieht in uvrhit ze uerliesenne . wane got .
 41r,2 der bisigelete den wistuom . daz ist och daz
 41r,3 schepfeuaz . da er mite gewunnen wirt sua
 41r,4 daz girige herze ist . derweder rihtoumes
 41r,5 odir ergire . oder unrechter friuntschefte .
 41r,6 da fliuhet . der gotis wistuom . also daz lieht
 41r,7 den schate . fliuhet . ez si der gemaine nutz der
 41r,8 saminunge .
 41r,9 Emissiones . Diz uzsandunge daz ist
 41r,10 poumgarte . roter epfele . unde allir slate
 41r,11 wuochere Daz erste zwi des schuzzelinges
 41r,12 daz was crist der gie fure uon iesse . der
 41r,13 was poumgarte . unde zartgarte . wande
 41r,14 er willicliche lait . die rotten martere uon
 41r,15 ime wurhten sit andere pelzare . die ire
 41r,16 bluot vil willicliche gaben . durc unsereN
 41r,17 herren . iz chit och allir slate wuocher daz
 41r,18 sint die sich sit houbin do die wuteriche
 41r,19 uure wu'din . unde die martirare . do houp
 41r,20 sich gaistlich lebin . in den wart allir slate
 41r,21 guot . unde allir slate zuht . wande si uil
 41r,22 willicliche tragent daz ioch der hailigen
- 41v,1 gehorsame . unde gent den engen wech siutzzente .
 41v,2 unde weinende . unde doch lobente .
 41v,3 nu ne in uorderot niemmin daz bluot . der
 41v,4 martirare er uorderot abir daz chruce . der
 41v,5 willigen gehorsame . unde den degenlichen
 41v,6 striit . daz si alle zit ir lip mitte toubent . daz
 41v,7 siu iz gerne tuont . uon dannen haizet er siu
 41v,8 zartgarte . da sint och die under . die widerespurnent .
 41v,9 alse der ohse widir deme garte .
 41v,10 daz ist so si eimmin ruoret . widir ir willen . so
 41v,11 wirt ir gehebede ubellich . so wirt ir gesune
 41v,12 vortliche . die ne haizzent niht ein zartgarte
 41v,13 die ne mugin wol haizzin ein wormowe .
 41v,14 unde ein dornowe . wande si stechent sua
 41v,15 man siu widir ir willin ruoret . uon diu
 41v,16 sprichit er her nach cyprus cum nardo .
 41v,17 IN dineme gartin sint gewahsen . aromaticae .
 41v,18 arbores unde allir slate poume . die
 41v,19 uffin lybano gewahsen sint . daz chit allir

41v,20 slate tugende . die wahsent in der saminungne .
 41v,21 der gotes irwelten . die aromatice arbores
 41v,22 die bezeichenent . der aller anegenge ist

42r,1 gedult in allen dingen daz ander
 42r,2 ist gehorsame . mit guoter einmuote . wande
 42r,3 sanctus benedictus sprichit diu unwillige
 42r,4 gehorsame diu ne gewinnet lones nieht
 42r,5 sundir ioch daz witzze des murmulares .
 42r,6 nu sprichit sanctus gregorius alse uil so ain
 42r,7 ungeloubigin manne . genesen mach iN
 42r,8 christinlichime lebenne . alse uil mach ain
 42r,9 ungehorsamer menniske genesin in gaistlichime
 42r,10 lebenne . daz dritte daz ist diemuot
 42r,11 ane gelichsate . wande swer die hat der hat alle
 42r,12 sine not ubirwundin .
 42r,13 ER sprichit dar nach . da wahset inne chruoge
 42r,14 unde fistula unde cynanomomum . unde
 42r,15 aller slate holz . daz uffen lybano gewahseN
 42r,16 ist . chruoge diu hat wizin samen . er ist
 42r,17 drieekke unde bezeichinet den uateR
 42r,18 unde den sun . unde den hailigen gaist
 42r,19 aber der bluot der ist gele . unde goltuare .
 42r,20 er leischet daz haizze silbir . er bezeichenet
 42r,21 die minne . diu chumet uon der diemuote
 42r,22 wande alse diemuote so diu bist . also minnehaft

42v,1 bist u also dultich so diu bist . also uil gedingen
 42v,2 hast iu . also gehorsam so diu bist . also geloubich
 42v,3 pist u . daz bezechenot cinamomum . gedult
 42v,4 die swegelin . diu fistula diu haizet . si hat rote
 42v,5 rinde . unde bezechenot die der dikche sint
 42v,6 mit getruopten herzen . die uur bringent
 42v,7 ir wuocher . in der hailigen gedult . so sint ouch
 42v,8 die gehorsamen . die mugin wol gehaizeN
 42v,9 sin armes gaistes . den hat got gehaizen daz
 42v,10 himilriche . . nardus in solte nieht sin ane deN
 42v,11 chruogen . wande nehain tugent ne towech
 42v,12 ane die minne . wande alse daz golt ist
 42v,13 tiurre denne andir gismide . also ist ouch diu
 42v,14 minne uor allen tugenden . wande si lesket
 42v,15 unde bezechenot die mennge der sunden .
 42v,16 die guoten in der saminungne die bezecheno-t
 42v,17 den nardum . der ist daz edeliste geselbe . also
 42v,18 sint die diemutigen . die werdint lumenthaft
 42v,19 guoter werche . unde ist der lument also suoze
 42v,20 same der stanch nardi . unde wahsent siu uon
 42v,21 armir tugent . in die anderen . als sich diu bletter

- 42v,22 breitent . daz ist daz ainir wisliche
- 43r,1 sprichit . ainer gewizzen ist . ainir undirschiedenlich .
 43r,2 ainer irbarmech . ainer uorhtlich
 43r,3 diz ist alliz gotes werch . ist chrocus der mitte
 43r,4 so hat iegelicher svaz der ander hat . daz ist
 43r,5 diu minne
 43r,6 Mirra unde aloe . ist in dineme garteN .
 43r,7 gewahsen . gesach den got der diu ziuhet
 43r,8 in der saminunge . aloe unde mirre daz
 43r,9 legete man bi alten ziten . in diu greber zuo
 43r,10 den tonten . daz si nicht in vuleten . also behuotent
 43r,11 wise lute ir lip . uor der fuole . unchiusker wellen
 43r,12 unde ioch unchiusker gedanche . waz ist diu
 43r,13 mirrä+ con er sol sich iunger unde in siner chinthait
 43r,14 behuoten . unde fliehen diu feizten unde diu
 43r,15 zartlichen muos . unde den langen slaf . unde
 43r,16 sol fliehen weltlichen mare . unde uppigi
 43r,17 chose . unde sol sich gesellen zuo den guoteN
 43r,18 unde sol sich nahin der hailigen leczun . daz
 43r,19 ist daz oloe . er sol fliehen . in siner iugende
 43r,20 allir iugende friuntschaft . unde alle getelose
 43r,21 minne . diu in ze dehainer wis gewirsereN
 43r,22 mugen . wande chliubet er sine minne . ane nutz
- 43v,1 so ist si halbiu gone uil ummare . swer sich also behaltet .
 43v,2 der wirt genemmet . gone ain libentigez
 43v,3 opfher .
 43v,4 diu pist garteprunne diu bist putze der
 43v,5 chokchon . wazzere . die mit tuhte fliezent
 43v,6 uon lybano .
 43v,7 Daz wirt uirnomen uon den guoten maisteren .
 43v,8 die gewinnent etewenne den wistuom also
 43v,9 chume . sam man daz wazzer shefphet . uz deme
 43v,10 brunnen . ettewenne en ist ez ouch also senfte also daz
 43v,11 fliezzende wazzer . daz uon deme berge fliezzet
 43v,12 lybano . wande wirt ettewenne diu gotes lere
 43v,13 entslozen den maisteren . durch die sunde der
 43v,14 undertanen . ettewenne durch den maisteR .
 43v,15 unde abir durft ist . daz wir allezane gotes
 43v,16 uorhte haben . so sprichit er dar nach
 43v,17 Hebe dich northwint . unde flihi enweg .
 43v,18 unde chum summerwint .
 43v,19 unde durchweie minen garteN .
 43v,20 deste baz so smacke-t . sine bimende nu uernement .
 43v,21 wie der wint spulge wagin . iN
 43v,22 gotes garten . daz ist gaistlich lieben iN

- 44r,1 der saminunge . iz ist och ein eigelich guot
 44r,2 menniske . nu wizzet also uil so daz fleiz
 44r,3 mach unstinchinte sin . ane salz . also uile
 44r,4 mach der menniske sine tugent gehabeN .
 44r,5 ane bechorunge . iz geschihit abir dikche .
 44r,6 die sich uz den anderen nemment . mit
 44r,7 sunderlicher guote . daz auch die unsanfter
 44r,8 bechoret werdent denne die andereN .
 44r,9 wie ist diu bechorunge\&con ainweder uon
 44r,10 der bluode odir uon der armichait .
 44r,11 des menniken . odir uon den uibilen odir
 44r,12 uon den liuigenten menniskin . odir uon
 44r,13 der chrimmegen uibele des tieueles
 44r,14 disiu daz ist der nortwint . daz ioch guote
 44r,15 unde harte garbaite minneskin in missetriewende
 44r,16 choment . daz siu nieht in wainent
 44r,17 ze genesenne . so ne triewet si der
 44r,18 tieuel nieht pringen . ze haineme werserme
 44r,19 dinge . so bringet er si in die egeslichen
 44r,20 uorhte . umbe eine wenige sunde . der
 44r,21 diz lidet deme ist unsanfte we . deme in
 44r,22 wirth nicht geholfen . mit untroste . unde
- 44v,1 mit arbaiten sunder man sol in wol toun . mit aller slahte guote . unde
 44v,2 sol in trostliche uil dikche gotes wort sagen .
 44v,3 unde sulen anderiu menniken umbe
 44v,4 siu arbaiten . mit gebette . und mit fasten .
 44v,5 swer solehen hilfet der si gewis des ewigen
 44v,6 lones vone gote . diz ist des tieuuels list
 44v,7 Er tribet die gotes irweltin . ze den ummazlichen
 44v,8 arbaiten . so er siu an diu wirseren
 44v,9 nieht prinngen mach . daz in der lip uersmahet .
 44v,10 unde si so gerret werdent . er sendet in
 44v,11 zuo gilichesare . unde smaichare die sich mit
 44v,12 honchusten lobent . daz si ir arbaite also uirliesent .
 44v,13 daz sint die sunderen winde . noch
 44v,14 sint manige bechorunge . die den guoten
 44v,15 unuertragenlich sint . uon den loset si got
 44v,16 wande paulus sprichit . der getriuwe got
 44v,17 der ne lat nieman bechoret werdin . newan
 44v,18 alse er uirtragen mach . wir haben
 44v,19 uon den goutin gisprochin . wande iz ze lenge
 44v,20 ware ze sprechenne . uon den ubelen
 44v,21 wan ein eigelich menniske der drukche
 44v,22 sich . swer sich ze gote hohen welle der nider
- 45r,1 sich hie .
 45r,2 Ich habe uirnomen . daz min liep . mich erloubet

45r,3 sinen uienden . unde den minen wird ab'
45r,4 er des innen . daz ich nit e-tslafe da-ne in tugentlicher
45r,5 minne . so beware ich ime die friuntschaft .
45r,6 wande uil groz ist sver got ze friunt
45r,7 gewinnet . Es ist grozer swer in stateliche behaltet .
45r,8 uon diu sprichet er sver ullewonet
45r,9 unz an daz ende . der wirt behalten nu geret diu brut
45r,10 alsus:
45r,11 IcH gere daz min . liep . chome . in sineN
45r,12 garthen . vnde er ezze den wuocher sines
45r,13 eigenes obezzes . ich unde ein eigelich sele
45r,14 ich sol wizzen . swaz wuochers wir haben . daz
45r,15 uns des niht bestet . newan uon gotes gnaden
45r,16 uon diu ist der wuocher sin aller unsere tugende .
45r,17 wir sulin wizzen waz . wir uon
45r,18 uns selben haben . also er selbe sprach zuo
45r,19 adame . do er sine hulde uurlos
45r,20 diu erde diu bere . dir dorne . daz
45r,21 sint die stechenten dorne . unser sunde
45r,22 unde unser gewizzede . svaz wiR

45v,1 haben . daz bezelen siner genade .